

東史要卷之







# 동사찬요(東史纂要) 오운(吳澮)

조선 중기의 문신 오운(吳澮 : 1540~1617)이 지은 역사책.

1609년(광해 1)에 계림부(鷄林府)에서 처음 간행했다가 1614년에 한백겸(韓百謙)의 충고로 지리지(地理志)를 첨가하고, 길재(吉再) 등 고려 말의 은자들을 추가해 개찬하였다.

이 책은 권 1의 군왕기(君王紀)와 권 7의 열전(列傳)으로 되어 있어 기전체 형식에 가깝다. 그러나 지(志)가 없으며, 개찬할 때 간단한 지리지를 첨가했을 뿐이다. 저자 자신이 쓴 범례가 있고, 한백겸이 쓴 후서(後序)가 들어 있다.

이 책은 관찬 사서로서 《동국통감》·《동국사략》·《고려사》·《삼국사절요》를 참고하였다. 또한 《퇴계문집》·《남명유고 南冥遺稿》·《죽계지 竹溪志》·《병진정사록 丙辰丁巳錄》 등 사림 학자들의 문집을 많이 이용하였다.

기자조선을 높여서 우리 나라 풍교(風教)의 시작이 기자(箕子)로부터 시작되었음을 알리고자 하였다. 그리고 권근(權近)의 《동국사략》에 의거해 신라를 위주로 삼국시대를 서술하였다. 즉, 신라왕을 표제로 내세워 그 밑에 고구려·백제의 역사를 부기하는 형식을 취하였다.

사대와 교린 관계기사는 충실하게 수록하고 애국 명장과 충신·열사, 그리고 절의(節義)를 지킨 인물들을 많이 수록하였다. 그 결과 길재·이양중(李養中)·서견(徐甄)·김주(金湊) 등 고려 말 4군자(四君子)가 열전에 수록되었다. 반면 조선 개국에 공이 많은 정도전(鄭道傳)·윤소종(尹紹宗)·조준(趙浚)·남은(南閔) 등과 같은 인물이 빠졌다.

《동국통감》에 실린 사론(史論)은 대부분 그대로 실었으나 이황(李滉)·주세붕(周世鵬)·남효온(南孝溫)·김종직(金宗直)·이현보(李賢輔)·조식(曹植) 등의 의견을 사론에 반영한 것은 새로운 시도이다.

삼한의 위치에 관해서는 처음에 최치원설(崔致遠說)과 권근설을 모두 소개하였다. 그러나 한백겸의 비판을 받고, 뒤에 개찬할 때 한백겸의 삼한설을 따로 수록하였다. 지리지 역시 한백겸의 충고에 의해 보간(補刊)한 것인데, 신라·고구려·백제·고려의 순으로 서술하였다.

이 책은 16세기초 박상(朴祥)이 쓴 《동국사략 東國史略》에 대한 불만에서 편찬한 것으로 보인다. 규장각도서에 있다.

## 오윤(吳潤)

### 개설

본관은 고창(高敞). 함안 출생. 자는 태원(太源), 호는 죽유(竹牖)·죽계(竹溪). 의령현감 오석복(吳碩福)의 증손으로, 할아버지는 전의현감 오언의(吳彦毅)이고, 아버지는 오수정(吳守貞)이다. 어머니는 순흥안씨(順興安氏)로, 부호군(副護軍) 안관(安瓘)의 딸이다. 이황(李滉)·조식(曹植)의 문하에서 수학하였다.

### 생애 및 활동사항

1561년(명종 16) 생원시에 합격하고 1566년 별시 문과에 병과로 급제, 성균관의 학유(學諭)·학정·박사·전적(典籍)·직강(直講) 등을 역임하였다. 1583년(선조 16) 경원부 아산보(阿山堡)의 추장 번호(蕃胡)가 난을 일으키자 북도조전장(北道助戰將)으로 나가 공을 세웠다.

그 뒤 충주목사 겸 편수관(編修官)을 거쳐, 사성(司成)을 지낸 뒤 사재감정(司宰監正)이 되고, 1589년 광주목사(光州牧使)로 나갔다가 해직되었다. 1592년 임진왜란이 일어나자, 의령에서 의병을 일으켜 곽재우(郭再祐)의 휘하에서 소모관(召募官)·수병장(收兵將) 등으로 활약하였다.

그 때 백령(白嶺)에서 모집한 의병이 전후 2만여 명에 이르렀다. 특히 의령 부근의 전투와 현풍 전투에 군공이 뛰어났다. 1593년 상주목사가 되고, 이듬해 합천군수를 지냈다. 1597년 정유재란 때 다시 합천 부근의 왜적을 쳐서 공을 세워, 도원수 권율(權慄)의 추천으로 통정대부(通政大夫)에 오르고, 명나라 장수 진린(陳璘) 제독의 접반사(接伴使)로 활약하였다.

1599년 첨지중추부사를 거쳐 장례원판결사에 승진했으나 병으로 사직하였다. 1608년 다시 기용되어 경주부윤이 되었으며, 1616년(광해군 8) 공조참의에 올랐으나 병으로 사직하였다. 이 때 시정득실(時政得失)을 진술하였다.

임진왜란 당시 곽재우와 함께 분전한 17장(將)의 한 사람으로, 선무원종공신(宣武原從功臣) 1등에 책록되고 병조참판에 증직되었다. 영주의 산천서원(山泉書院)에 제향되었다.

저서는 『죽유문집』이 있고, 편서는 『동사찬요(東史纂要)』가 있다.



主胡兆不風問處書格曰丙卯日魏陳日良一必何  
 事兆去請神對省效時來親進存神首三海籍籍丹  
 百遊押兆唱劍燈夏魏曰必罪改罪言未信丹與日  
 兆驚鼓判劍答貝懸宗主于對如之曰女效天為請  
 入單基丹共夫鎗擊如三小嘗兆聞時不計再告為  
 封朝丹共至合丸之無不對聖兆愈有躡端之心與  
 兆結之夫畏兆出處所合軍為三朝水而朝必險車  
 月奠丹主自節步調四十萬武卿絲武至區所降東  
 鄭八關會為宗竊之數三十平第兆請鄭之○十一  
 同歸吹奠丹請味奠丹又彭聖軍蕭發來吉歸武○







余經龍蛇亂離來屣跡窮巷思見東史攬古證今隣  
有友借其家藏三國史節要及東國通鑑因得覽閱  
自吾東方有國之後君德之昏明賢邪之消長興亡  
之殊跡交隣之失得可鑑可戒者視他史尤爲切近  
而老惰且病過眼輒忘竊自慨然思欲謄寫展玩則  
三韓以上文獻無徵麗紀以下記載汗漫輒不自揆  
就其中而撮其要至於三國以後名臣言行隨手抄  
列旋念善惡俱存勸懲斯備乃拈出叛賊權兇之尤  
者別錄于下庶幾親賢爲寶霜冰知戒第恨史籍殘  
缺耳目孤陋蚌珠有遺魚目或混初非要質具眼祇



欲私便記臆不意傳播士友繡諸梓而印布世也抑  
又忠之始之編錄詳於傳而略於紀末爲完書今旣  
刊行則有所未盡竄改增修不獲已也茲敢更就原  
史自新羅始祖甲子至高麗恭讓壬申一千四百  
四十九年間事蹟刪冗節約纂成君王紀自始至今  
三撰三改積功粗完乃刊去前刻第一卷以今撰紀  
依訓義綱目例分作上中下四卷追刻而弁之篇首  
略叙顛末于後極知潛踰觀者恕之萬曆四十二年  
甲寅五月癸丑年陽吳濬謹識



凡例

一箕子東來事蹟本史外紀及見於他書者參考而備載之欲使看此書者開卷第一知東國風教之所自

一東國原史編年之書今此書只纂大要不暇備載年序而新羅始祖起於甲子東史之作始於新羅故其遇甲子必書于上以見天運之周亦易攷東國歷數之大槩

一事大交隣朝聘往來必書之至於麗李並事宋遼金蒙古或絕或和隨事書之



一善之可以勸惡之可以戒者必書且如君王失德必書者爲以垂戒至於帷薄之間淫褻隱惡近於禽獸處不必形之史筆以詔後世雖以桀紂楊廣之淫慝應無所不至而古史所記未見如今史書之所云殊非聖人闕文之意故於此類皆略之

一名臣事蹟散出於本紀中一人始卒

馬之例抄列爲傳其不在列傳而不

蹟於書卒之下

一名臣抄列並以人物先後爲序或有繼世名流或有同時做事而行蹟不多者或有因時事而名見



者併附於首見人之下如徐訥附於徐熙庾碩附  
於應圭之下吳迺寵附於尹瓘崔誠之附於金怡  
之下尹鱗瞻附於金甫當鄭忠道金九容著於朴  
尚衷之下之類

一同事而功業不相上下者併爲一傳如麗初洪儒  
等四功臣鄭世雲三元帥之類

一人事蹟逐節散出而繁冗者或言行可傳而紀  
載闕略者考諸碑誌及他書彙集添刪頗加隱括  
然一言一事皆有考據不敢杜撰或全用他書語  
者別錄而記其來處



一本紀所載先儒及史家評論間取而節要當時史官則稱史臣撰史時諸臣則稱史氏

一事業行蹟關國家興衰者旁搜采輯雖多不厭如金庾信徐熙尹瓘趙冲金就礪金方慶三元帥及牧隱圃隱之類若言行不大顯致力於文翰而已者則省節而書其大槩如李奎報之類

一遯世高蹈與立幟吾道而本史紀略者有先賢言論見諸遺稿竊取一二條以補之如韓惟漢李資玄安文成禹祭酒之類

一言行見於史可敬者雖略必書但無他書可據不



得備叙始末又如冶隱風聲節義垂宇宙而不載於原史不敢書姑俟博雅君子或得全史而追補之吾東方無野史隱行頌埋沒可惜

一冶隱以下四君子原史不見故初不書追得於諸書補錄之至於龍巖風節尤奇特竊搜行蹟於其後裔而書之

一三國時死節之士新羅最多彙次爲別傳孝烈附焉  
一叛賊之類雖抄列事蹟不得比名臣立傳皆低一字書之以寓褒貶之意

一竊附愚見處圈下只書按字



纂輯諸書

東國通鑑 東國史略 高麗史 三國史節要

輿地勝覽 天運紹統 東文選 牧隱文集

青丘風雅 秋江吟話 御製詩 益齋亂稿稌翁稌說

退溪文集 南宮遺稿 竹溪志 丙辰丁巳錄

慵齋叢話 謏聞瑣錄 吳山志 東國名臣行蹟

大東韻玉



東史纂要目錄

卷之一

檀君朝鮮 箕子朝鮮 衛滿朝鮮 四郡 二府

三韓

馬韓 辰韓 弁韓

三國

新羅 高句麗 百濟

新羅紀 高句麗紀 百濟紀

始祖王 始祖王 始祖王

南解王 琉璃王 多婁王



儒理王  
大武神王  
己婁王

脫解王  
閔中王  
蓋婁王

濔娑王  
慕本王  
肖古王

祗摩王  
太祖王  
仇首王

逸聖王  
次大王  
古爾王

阿達羅王  
新大王  
責稽王

伐休王  
故國川王  
汾西王

柰解王  
山上王  
比流王

助賁王  
東川王  
契王

沾解王  
中川王  
近肖古王



味鄒王

西川王

儒禮王

烽上王

基臨王

美川王

訖解王

故國原王

卷之二

新羅紀

高句麗紀

百濟紀

柰勿王

小獸林

近仇首王

威德王

實聖王

故國壤王

枕流王

惠王

訥祗王

廣開土王

辰斯王

法王

慈悲王

長壽王

阿莘王

武王



昭智王

文咨王

腆支王

義慈王

智證王

安藏王

久爾辛王

法興王

安原王

毗有王

眞興王

陽原王

蓋鹵王

眞智王

平原王

文周王

眞平王

嬰陽王

三斤王

善德王

榮留王

東城王

眞德王

寶藏王

武寧王

太宗王

聖王

卷之三



新羅紀

文武王 神文王 孝昭王 聖德王 孝成王

景德王 惠恭王 宣德王 元聖王 昭聖王

哀壯王 憲德王 興德王 僖康王 神武王

文聖王 憲安王 景文王 憲康王 定康王

貞聖王 孝恭王 神德王 景明王 景哀王

敬順王

卷之四

高麗紀

太祖 惠宗 定宗 光宗 景宗 成宗



穆宗 顯宗 德宗 靖宗 文宗 順宗  
宣宗 獻宗

卷之五

高麗紀

肅宗 仁宗 毅宗

卷之六

高麗紀

明宗 神宗 熙宗 肅宗 高宗 元宗

卷之七

高麗紀



忠烈王 忠宣王 忠肅王 忠惠王上

卷之八

高麗紀

忠惠王下 忠穆王 忠定王 恭愍王 辛禑

辛昌

恭讓王

卷之九

地理志

卷之十

列傳

三國名臣



乙京智松屋壽 高福章 乙巴素 乙文文德

勿稽子 朴堤上 金后稷 實亨 金廣福

金仁問 強首 薛聰 金陽 崔致遠

新羅忠義傳附孝烈 麗濟義烈

卷之十一

高麗名臣

洪儒裴玄慶申崇謙卜智謙 庚黔

崔彥搗 崔凝 徐弼 崔承老 韓彥恭

金審言 徐熙徐訥 崔沆 蔡忠順 姜邯贊

智祭文祿延 楊規 河拱辰 王可道 崔冲



崔惟善

惟吉 名儀

息諷

朴寅亮

鄭文

魏繼廷

卷之十二

尹瓘

吳延寵 尹彥頤

金黃元

李資玄 郭興

金仁存

金富侁

金富軹

金富儀

林完

鄭沆

李之氏

申淑

李公升

崔惟清

鄭襲明

文克謙

柳公權

庾碩

金甫當

韓惟漢

崔讜 崔詵

李仁老

吳世才 林椿 趙通 皇甫抗 咸淳 李湛

卷之十三

趙冲

金就礪

金仁鏡

金之岱

李公老

李奎報

俞承旦

朴罕 宋文胄

金慶孫



崔椿命 崔滋 金丘 李藏用 白文節

郭預 沈湯 金方慶 金永暉 永煦 齊顏 金周鼎 朱悅

柳璈 伍允亨 李承休 鄭可臣 金暄

卷之十四

安珣 元冲甲 洪子藩 許琪 金怡 崔文慶

崔有滄 鄭璿 誦 朴全之 金台鉉 閔宗儒

崔澐 禹倬 權溥 李兆年 金倫 李齊賢

韓宗愈 李凌幹 王煦 安軸 安輔 李穀

鄭世雲 安祐 金得培 李芳實

卷之十五



尹澤 李仁復 李品 金光載 李公遂 李于松

柳淑 元松壽 李存吾 鄭樞 韓脩 慶復興

崔瑩 朴尚衷 鄭息道 金九容 李穡 鄭夢周 李崇仁 金震陽

李種學 吉再 徐甄 李養中 金澍 元天錫

卷之十六 別錄

叛賊 權兇

解仇 苟加 泉蓋蘇文 憲昌 以上三國時

王規 康兆 李資謙 妙清 柳品 趙匡 趙昌言

安仲榮 鄭仲夫 李義方 李高 李義取

崔忠獻 崔瑀 崔沆 崔迺 金俊 林行 崔坦



韓慎裴仲孫盧永禧趙日新奇轍權謙盧

金鏞 辛晫

附東國世家

東史管要目錄終



檀君朝鮮

東方有九種夷初無君長有神人降于太白山檀木  
下國人立為君國號朝鮮時唐堯二十五年戊辰歲  
也初都平壤後徙白岳是為檀君至商武丁八年乙

未八阿斯達山為神

古紀享壽千四百十八年此說可疑前輩謂千四百十八年者乃檀

氏傳世歷年之數非檀君壽此說有理○太白山即  
妙香山阿斯達山文化縣九月山白岳即此山也

箕子朝鮮

周武王伐紂封箕子于朝鮮都平壤教民禮義田蚕  
織作設禁八條相殺以當時償殺相傷以穀償相盜



者男沒八為其家奴女為婢欲自贖者人五十萬雖  
免為民俗猶羞之嫁娶無所售是以其民終不相盜  
無門戶之閉婦人貞信不淫辟飲食以邊豆有仁賢  
之化其後孫朝鮮侯見周衰而燕自稱王欲興兵伐  
燕以尊周大夫禮諫而止及秦并天下四十代孫否  
畏秦遂服屬於秦其子准立二十餘年盧縮為燕王  
准與燕以沮水為界燕人衛滿亡命聚黨渡沮水求  
居西界賜以圭封之百里滿誘亡黨稍眾遂襲准准  
浮海南奔按遷史漢與修遼東古塞圭沮水為界衛  
滿亡命渡沮水云則以鴨綠江為沮水矣  
又唐書平壤城南涯沮水則今之大同江也又高麗  
史以平山府猪灘為沮江則國內自有三沮水而古



今的知者則  
獨大同江也

史氏按范曄曰箕子遠衰殷之運避地朝鮮施八  
條之約使人知禁邑無淫盜門不夜扃柔謹爲風  
道義存焉省簡教條而用信義其得聖賢作法之  
原矣○涵虛子按周史云昔箕子率中國五千人  
入朝鮮其詩書禮樂醫巫陰陽卜筮之流百工技  
藝皆從而往焉故曰半萬殷人渡遼水是也既至  
朝鮮言語不能通譯而知之教以詩書使知中國  
禮樂之制父子君親之道始行五常之禮始備教  
以百工技藝醫巫陰陽卜筮之術始有焉制以田



蚕八條之教逾年而民自化崇信義而為儒術釀  
成中國之風教以勿尚兵鬪謂一日之亂十年不  
定生民塗炭不能安其業故以德服強暴隣國皆  
慕其義而相親之誓為中國之藩邦衣冠制度悉  
同乎中國各代之制故曰詩書禮樂之邦仁義之  
國也而箕子始之

衛滿朝鮮

衛滿既逐箕子據王儉城會孝惠高后時天下初定  
滿得以兵財侵降旁邑直蕃臨屯皆來服屬方數千  
里傳子至孫右渠所誘漢囚人滋多武帝遣使諭右



渠終不肯奉詔殺漢使元封三年帝遣樓船將軍楊僕浮渤海左將軍荀彘出遼東討之右渠拒之兵久不戢帝遣濟南太守公孫遂往征之得以便宜從事朝鮮相路人等謀殺右渠降漢遂定朝鮮為四郡

城今平壤儉一作險故仙人王儉宅也

### 四郡

漢武帝討右渠遂定朝鮮地為樂浪臨屯玄菟真蕃四郡樂浪郡治朝鮮縣臨屯郡治東曉縣玄菟郡治

沃沮城真蕃郡治雲縣郡

樂浪今平壤玄菟古朝鮮地去幽州東北二千里

帝築玄菟城今瀋陽治東北八十里有貴德州或謂古玄菟郡今撫順千戶所是東南到鴨綠江七百里



東曉今江陵東  
沃沮今咸鏡地

### 二府

漢昭帝始元五年以朝鮮舊地平郡玄菟等郡為平  
州都督府臨屯樂浪等郡為東府都督府

三韓 馬韓 辰韓 弁韓

箕準既為衛滿所攻奪率其左右宮人入海居韓地  
金馬郡自號韓王其民土著種植知蚕桑各有長帥  
散在山海間無城郭有爰襄國等凡五十餘國揔十  
餘萬戶居處作草屋土室其戶向上俗不重金銀錦  
罽而貴瓔珠用以飾髮垂耳男子衣帛袍履草躡性



勇悍謹呼善用弓楯矛櫓

史氏按周武王己卯封箕子于朝鮮都平壤相繼  
歷九百餘年至四十六代孫否當始皇二十六年庚  
辰畏秦服屬否死子準立二十九年漢惠帝戊申  
燕人衛滿亡命聚黨攻之準浮海而南至金馬郡  
都之稱馬韓統五十餘國歷四郡二府之時傳世  
亦二百年至百濟始祖二十七年己巳爲濟所滅  
箕氏相傳通前後蓋千有餘年矣其傳世之久至  
於如此豈無自而然哉

辰韓在馬韓之東秦之亡人避役入韓韓割東界以



與之立城柵言語有類秦人或謂之秦韓常用馬韓人作主雖世世相承不能自立地宜五穀俗饒蚕桑嫁娶禮俗男女有別行者讓路

弁韓不知其始祖屬於辰韓辰弁二國各統十二國又有諸小別邑各有渠帥有已抵國等合二十四國大國四五千家小國六七百家總四五萬戶

史氏按三韓所統七十餘國之名見於陳壽三國志者如此必非鑿空造語而東史不傳今不得考其所枉

權近曰三韓之說互有不同然朝鮮王準避衛滿



之亂浮海而南開國號馬韓至百濟溫祚立遂并  
之今之益州有古城至今人稱爲箕準城則馬韓  
之爲百濟無疑矣辰韓新羅始祖赫居世所起之  
地新唐書曰卞韓在樂浪之地又曰平壤古漢之  
樂浪郡則辰韓之爲新羅卞韓之爲高勾麗亦無  
可疑後漢書以爲卞韓在南辰韓在東馬韓在西  
其謂卞韓在南者蓋自漢界遼東之地而云耳非  
謂弁韓在辰馬二韓之南也崔致遠因謂馬韓麗  
也卞韓百濟也誤矣

●按輿地勝覽馬韓爲高勾麗辰韓爲新羅卞韓



爲百濟崔致遠已有定論此非致遠創爲之說自  
三國初相傳之說也金富軾地理志亦以致遠之  
論爲是至其中葉始有以金馬山在百濟之境平  
邦山在高句麗之境平與弁聲相近遂疑馬韓爲  
百濟卞韓爲高句麗然未有昌言指之者及權近  
修東國史略乃斷然以馬韓爲百濟卞韓爲高句  
麗近乃近世大儒而亦爲是論以錯亂千載已定  
之說未知何謂也後漢書載卞辰在辰韓之南亦  
與倭接又曰卞辰與辰韓雜居衣服居處言語風  
俗同不曰卞韓而曰卞辰是雖懸閩之稱亦可以



知二韓之相隣附也唐書所云下韓苗裔在樂浪

地者蓋言下韓之系出自樂浪耳近引以為證而

乃去苗裔二字直云下韓在樂浪之地何也故謹

因致遠舊說以京畿忠清黃海等道係于馬韓舊

域以全羅道係于下韓舊域云詳見勝覽○按高麗太祖說弓裔曰

大王者欲王朝鮮肅慎下韓之地莫如先與松岳

之地云則以勾麗為下韓非權近創說又通鑑唐

太宗紀百濟下小註云百濟之國馬韓之屬也則

百濟之為馬韓亦有所據又按本史百濟遣使馬

韓告遷都定疆域北至浪河南限熊川又馬韓王

遺使責百濟王曰王初渡河無所容足吾割東北

百里之地界之云云則馬韓之為全羅地據史無

疑而勝覽斷以全羅道係下韓下不知有何明證

吾東方文獻無微三韓之稱號非如小小郡縣

公革之化而尚不的定其地論議紛紜可歎



三國紀 新羅 高句麗 百濟

按三國鼎峙位均體敵故三國史節要及東國通鑑編年於上分註於下法資治通鑑綱目也今是編只纂其大要而已既難於編年近得刊本東國史略起自新羅始祖下至高句麗寶藏王其間七百餘年事蹟君王薨立渾無標題通書長編殊無史家法例愚病之謹依權近所撰史略以新羅先起後滅烏提頭附麗濟於其間竊比曾先之十九史略南

北朝之例云



新羅始祖元年

漢宣帝五鳳元年甲子

夏四月丙辰始祖朴赫

居世

鄉言王也

立先是朝鮮遺民分居東海濱山谷為六

村

曰關川楊山曰突山高墟曰嘴山珍支曰茂山大樹曰金山加里曰明活山高耶是謂辰韓六部

高墟村長蘇伐公望楊山麓羅井林間有馬嘶往見

得大卵剖有嬰兒養之岐疑夙成六部異之共立為

君年十三號居西干國號徐羅伐

一作徐伐以朴為姓以

所剖之卵似瓠

俗謂瓠為朴○新羅其地東南至大海西至智異山北至漢江

權近曰孔子刪詩書斷自唐虞蓋以唐虞以前世

道鴻荒難可盡信也唐虞以降中國載籍已無可

恠之事矣三國始祖之生俱與漢並時安有若是



其可恠者乎非獨始祖烏然闕英之生脫解之出亦皆恠而不常豈非厥初海隅之地有生之衆淳朴無知間有一爲詭說者舉皆信而神之以傳後世也

史氏按新羅本史其君稱居西干者一居西干辰言王或云呼貴人之稱也次次雄者一次次雄或云慈克方言巫蓋神而敬畏之稱也尼師今者十六齒理之稱麻立干者四以其擲表位之稱至二十二世智證王三年始稱王而定國號曰新羅自赫居世至于照智二十一代之間君未嘗稱王國



未有定號崔致遠年代曆皆稱王金富軾三國史

因舊史而直書權近作史略從致遠年代曆皆以

王書之蓋欲變而尊名號也今亦依致遠權近之

例自始祖以下皆稱王而國號以新羅冠之

立闕英為妃初龍見於闕英井右脇生妃有賢行能

內輔人謂之二聖○并韓以國來降○築京城號金

城○高句麗始祖高朱蒙立漢元帝建昭先是扶餘

王金蛙扶餘王解夫婁老無子祭山川求嗣所御馬

蛙形王喜而養之名金蛙及長立為太子後其相阿

蘭弗曰夢天帝謂我曰將使吾子孫立國於此汝其  
避之東海濱地有迦葉原宜五穀可都遂勸王移都  
國號東扶餘其舊都有人自稱天帝子解慕漱來都



男及解之婁得女子於太白山南優渤水優渤水在

今寧白邊府問之曰我是河伯之女柳花與諸弟出遊解慕

漱誘入熊心山下鴨綠室中私之即住不返父母責

我無媒而從人遂謫於此蛙異之幽於室中為日影

所照因有娠生一卵蛙棄之犬豕不食牛馬避之鳥

覆翼之欲剖之不能還其母柳花後卒於東扶餘金

裹置暖處有男子破殼而出骨表英奇甫七歲自作

弓矢射之發無不中扶餘俗謂善射為朱蒙故名之

蛙有七子其技能皆不及朱蒙忌欲殺之朱蒙乃與

烏伊摩離陔父等三人行至淹流水欲渡無梁祝曰



我是天帝子河伯外甥今日逃難追者垂及奈何於

是魚鼈成橋得渡橋解追騎不及至毛屯谷遇麻衣

衲衣水藻衣三人俱至平本扶餘沸流水上都烏國

號高勾麗因姓高降松壤國在沸流滅存人國

東北沃沮一名置溝婁南接挹婁○高勾麗其地東

在鴨綠江東北朱蒙所都一云統升骨今平安道成

沸流者然按金富軒麗志漢書云遼東屬縣有無慮

則周禮北鎮醫巫閭山也遼於其下置醫州玄菟距

洛陽東北四千里所屬三縣高勾麗是其一則朱蒙

成川非平本明矣又按高勾麗居遼東北後世漸

壤大同江見應製詳志挹婁在不咸山北東濱大海



○新羅營宮室於金城樂浪人侵新羅見夜戶不扃  
露積被野相謂曰可謂有道之國吾儕潛師襲之無  
異於盜乃引退○新羅遣瓠公瓠公本倭人初以瓠  
渡海而來故號瓠  
聘於馬韓韓王讓之瓠公對曰我國自二聖肇興人  
事修天時和倉庾充實人民敬讓辰韓弁韓樂浪倭  
人無不畏懷而猶謙虛遣下臣修聘可謂過於禮矣  
而反怒劫之何耶韓王欲殺之左右諫乃聽還明年  
馬韓王卒或說羅王曰西韓王前辱我使今當其喪  
征之其國不足平也王曰幸人之灾不仁也遣使弔  
慰○高句麗始祖朱蒙薨在位十  
九年號東明王太子類



利立漢鳩嘉二年壬寅○初朱蒙在扶餘嬰禮氏有

雀誤中及婦盆婦罵曰此兒無父其頑如此類利慙

復以泥丸彈塞之歸問其母曰我父何人今何在母

曰沒父非常人不容於國南奔盟國方行語妾曰有

遺物藏在七嶺上松下得此首乃吾兒也類

利遍索山谷不得一日聞柱礎間若有聲就見礎石

有上稜自解曰七嶺七谷者七稜也石上松者柱也

乃搜柱下所得斲劍一段行至率本見立○百濟始

劍進王出所藏劍合之果驗烏嗣至是立○百濟始

祖高濫祚立漢鳩嘉三初朱蒙逃難至率本扶餘其

王無子妻以女未幾王薨朱蒙嗣生二子長曰沸流

次曰溫祚及類利為太子二人恐不容遂與烏干馬

黎等十人南行至漢山登負兒嶽望可居之地沸流

居彌鄒忽川今府溫祚都河南慰禮城今縣以十臣為



輔國號十濟沸流以彌鄒土濕水醜不得安居來見

慰禮都邑既定人民安泰慙恚死其臣民皆歸慰禮

改國號曰百濟系與高句麗同出扶餘故以扶餘為

氏百濟其地東至智異山西南至大海北至漢江○  
一云百濟始祖以涓江為界涓江即平山府階嶺

也百濟立東明王廟○百濟患靺鞨連歲來侵以族

父乙音有智識為右輔委以兵事靺鞨在不成山北  
古肅慎氏與北沃

沮相接山有石利如鐵取為  
鐵即今野人二國並被其侵○高句麗王謂羣臣曰

鮮卑恃險為我國患能制者重賞之扶芬奴曰鮮卑

險固之國人勇而愚難以力鬪易以謀屈宜反間給

曰國小兵弱鮮卑易我必不為備臣竢其隙率精兵

新羅始祖 高句麗琉璃王 百濟始祖



從間道王使羸兵軍城南佯敗走彼必空城追之臣  
以精兵八其城王勇騎挾擊之此韓信攻趙之策王  
從之鮮卑果開門追之扶芬奴走入城鮮卑望之驚  
奔扶芬奴當關拒戰斬殺甚多王舉旗鳴鼓而前鮮  
卑首尾受敵計窮力屈降遂爲屬國王賞扶芬奴食  
邑辭曰此王之德臣何功焉王乃賜黃金三十斤良  
馬一十四匹○百濟遣使馬韓告遷都定疆域北至泚  
河南限熊川西窮大海東極走壤乃立城闕於漢山  
移慰禮民實之十四年徙都馬○東沃沮遣使新羅  
獻良馬二十四匹曰寡君聞南韓有聖人出遣臣來獻



東沃沮在高山勾麗蓋馬山東東濱大海此接挹婁扶餘南接歲貊人性質直強勇漢武帝滅朝鮮以其地

為玄菟郡即今咸鏡道 ○百濟始祖十七年立國母廟

權近曰有國家者必立宗廟以祀其先禮也國母自當配食於禰不宜別立廟而祀之也曾隱公別為仲子立廟春秋譏之今百濟既立東明之廟而為國母別立其廟何哉借曰禮無二嫡而類利之母既配東明故溫祚不得不為其母別立廟則東明之廟在高勾麗百濟以高勾麗為宗國不得別祀東明當如夔子之不祀祝融與鬻熊也若自別為宗以立東明之廟則不當配以他國之母而別

新羅始祖 高勾麗始祖 百濟始祖



祀其母也溫祚於此胥失之矣

高勾麗郊豕逸王使託利斯卑追得之斷其脚筋王怒曰祭天之牲豈可傷也遂坑殺二人

權近曰祭天於郊天子之禮也高勾麗以藪爾下國僭行其禮天豈受之哉郊豕之逸至于再三天示不受之意明矣天者理之所在而神不歆非禮麗王乃敢非義犯分僭天子之禮又以一豕之故遂殺二人以是事天反所以欺天也

高勾麗王二十二年冬徙都國內築尉那巖城先是高勾麗郊豕逸王命掌牲薛支追之至國內尉那巖



得之還見王曰臣至尉那巖見其山水溪險地方五  
穀又多麋鹿魚鼈若移都可免兵革之患於是徙都  
王出田五日不返大輔陝父諫曰王新移都邑民不  
安堵宜孜孜德政而不念此馳騁田獵久而不返若  
不改過自新臣恐政荒民散王聞之震怒罷陝父職

陝父奔南韓  
新羅二龍見於金城井中暴雷雨震

城南門  
新羅王赫居世薨位一年越七日王妃闕

英薨葬蛇陵太子南解立號次次雄王性沉厚多智

略即位而稱元漢元始四年甲子

史氏按國君嗣位踰年改元乃禮之正若改元於

新羅始祖 高句麗琉璃王 百濟始祖



薨年則是一年之內國有二君也漢儒惑於書序  
之文乃以湯崩踰月爲太甲元年蘇氏以爲崩年  
改元亂世事也胡氏蔡氏亦辨之已詳富軾反以  
漢儒之說爲是何也權近史略改舊史踰年稱元  
庶幾得春秋之義然三國史上下一千載間編年  
記事例以薨年爲元今若捨舊史從史略則其紀  
事頗牴牾失實故因舊史書之

**百濟**

三年春正月立始祖廟○百濟王宮井水暴

溢漢城人家馬生牛一首二身日者曰井溢者大王

勃興之兆牛一首二身者大王并隣國之應也王喜



遂有并吞辰馬之心。新羅王以長女妻昔脫解脫。

解本多婆那國人。國在倭國東北一千里初其國王娶女國王女有娠七年生大卵王

以不祥棄之女裹以帛置積中浮海至辰韓阿珍浦老嫗繩之開續有兒養之以來時有鵲隨鳴首鵲以

昔為姓以解續身長九尺風神秀朗智識過人業漁

而出名解續身長九尺風神秀朗智識過人業漁

釣養嫗無怠色嫗曰子骨相非常人宜力學立功名

遂專精學問兼通地理望楊山下瓠公宅為吉地計

取而居南解王聞其賢妻以女為大輔委以軍國政

事。高句麗王賜太子解明死初王遷都解明不肯

從留古都有力好勇黃龍國王遣使贈強弓解明對  
使者彎折之曰非予有力弓自不動耳黃龍王慙麗

新羅解王 高句麗流寓 百濟始祖



王聞之怒遣人謂解明曰吾遷都欲安民汝不隨恃  
強力結怨隣國於子道何乃賜劔死或止之曰安知  
非詐乎太子曰嚮黃龍王遺以強弓我怒其輕我國  
折之不意見責於父父命可逃乎乃往礪津原以槍  
插地走馬觸槍而死禮葬立廟號其地槍京○百濟  
王二十七年馬韓圓山錦峴二城降先是百濟立熊  
川柵馬韓王遣使責曰王初渡河無所容足吾割東  
北百里之地畀之其待王不為不厚宜患有以報之  
今以國完民聚謂我莫與敵大設城池侵犯我封疆  
如義何王慙遂毀之馬韓漸弱勢不能久百濟王陽



出獵潛師襲之遂并其衆惟二城不下至是降馬韓  
公○扶餘王帶素遣使讓高句麗王曰我先王與先  
君東明相好而乃誘我臣僚逃至于南以立國夫國  
有大小人有長幼以小事大禮也以幼事長順也今  
王能禮順事我天必佑之不然欲保社稷難矣王自  
以立國日淺民孱兵弱示屈以圖後效報曰寡人僻  
在海隅未聞禮義今承大王之教敢不惟命王子無  
恤尚幼聞王失對自見扶餘使者曰我先祖生而神  
異賢且多才大王讒諸父王辱先祖以牧馬先祖見  
幾而出今大王不念先愆但恃兵強輕蔑我邦請使



者歸報大王今有累卵於此若大王不毀其卵則吾  
將事之不然則不帶素聞之徧問羣下莫有對者有  
老嫗對曰累卵者危也不毀者安也其意若曰王不  
知自危而欲人之事已不如易危以安而自理也○  
王莽始建國四年發高句麗兵伐胡高句麗不欲行迫遣  
之皆凶出塞因侵遼西殺太守田譚莽怒遣嚴尤擊  
之降封麗王爲下句麗侯於是侵漢邊地愈甚○扶  
餘侵高句麗王使子無恤禦之無恤設奇伏于山谷  
扶餘兵直至鶴盤嶺下伏發擊之扶餘軍大敗棄兵  
登山無恤縱兵盡殺之○倭侵掠新羅邊郡新羅發



六部勁兵千人以禦之樂浪乘虛攻金城甚急夜有

流星墜營賊懼而退屯關井上造石堆二十而去追

者見石堆知賊衆乃止○高勾麗王類利薨號琉璃

明王位三年太子無恤立聰慧雄傑有大略天鳳五年戊寅

三年立東明王廟○扶餘人得赤鳥一頭二身獻其

王帶素或曰鳥本黑變而赤又一頭二身并二國之

徵王其兼高勾麗乎帶素喜送高勾麗兼示或者之

言王報曰黑者北方之色今變而為南方之色又赤

鳥瑞物也君得而不有送於我兩國存以未可知也

帶素悔○百濟王築大壇祀天地○高勾麗王攻扶

百濟始祖



餘道遇一人身長九尺目有光拜曰臣是北溟人惟  
由竊聞大王北伐扶餘臣請從行取扶餘王頭王悅  
許之進軍於扶餘國南解鞍休卒扶餘王自率衆出  
戰策馬突前陷泥淖恠由拔劍直進斬王頭扶餘人  
猶不屈圍麗兵數重忽大霧七日王從間道潛軍夜  
出既還國引咎自責弔死問疾國人感悅恠由疾革  
王親臨存問及卒命有司葬北溟山陽以時祀之○  
扶餘王帶素之弟自立爲王王金蟬李子也都○百  
曷忠水號曷忠王  
濟右輔乙音卒以解婁代之解婁本扶餘人神識淵  
奧年過七十膂力不愆○新羅王南解薨位二年王



遺命吾死後爾朴昔二姓以年長嗣位及薨太子儒  
理讓脫解脫解曰神器非庸人所堪吾聞聖智人多  
齒試以餅啗之儒理齒理多乃立之號尼師今漢夏始二  
年甲

儒理三

日者曰鴻鴈民之象

也將有遠人來投者乎已而南沃沮二十餘家至芥

壤納欵○高句麗王九年伐蓋馬國以其地為郡縣

勾茶國王聞蓋馬滅懼舉國來降高句麗之地浸廣

○百濟始祖溫祚在位四年太子多婁立漢建武四年

○高句麗王十一年漢遼東太守將兵來伐左輔乙

新羅儒理五 高句麗大武神王 百濟多婁立



豆智以計退師語在豆智傳○新羅王巡國內見一  
老嫗凍餒將死王曰予以眇躬居上不能養民使老  
幼至於此極賜衣及食命有司存問鰥寡孤獨老病  
者賑之隣國之民聞而來者衆民俗歡康始作兜率  
歌以誦之○百濟東部屹于與靺鞨戰於馬首山西  
克之殺獲甚衆王賞屹于馬十匹租五百石○新羅  
王改六部之名各賜姓李崔孫鄭裴薛中分六部爲  
二使王女二人各率部內女子自秋七月旣望早集  
大部庭績麻夜分罷至八月十五日考功多少負者  
置酒食以謝勝者相與歌舞作百戲謂之嘉俳負家



一女子起舞歎曰會蘇會蘇其音哀雅後人因其聲

作歌名會蘇曲  
○新羅設官置十七等  
一曰伊伐  
二曰伊尺

三日匣  
四曰波珍  
五曰大阿  
六曰阿  
七曰一吉  
八曰沙  
九曰級  
十曰級伐

十一曰奈  
十二曰大舍  
十三曰舍  
十四曰奈  
十五曰大鳥  
十六曰小鳥  
十七曰造位

○高勾麗王以鄒敦素為沸流部長賜姓大室氏初

仇都逸苟焚永等三人為部長貪鄙恣欲王廢為庶

人以敦素代之敦素作大室以處之不令升堂三人

詣堂下謝罪敦素曰過而能改善莫大焉引坐為友

仇都等感愧不復為惡王聞之曰敦素不用威嚴能

以智懲惡可謂賢矣  
○高勾麗襲樂浪降之先是王

新羅德而理王  
高勾麗大武神王  
百濟高句麗王



子好童游於沃沮樂浪主見而奇其相遂同歸妻以  
女樂浪有鼓角自鳴則敵兵至好童將還潛謂女曰  
若能入武庫割鼓面角口則我以禮迎之女如其言  
以報好童好童歸勸王襲樂浪兵至城下樂浪始知  
鼓角皆破遂殺女出降○高句麗王子好童自殺好  
童側室子也容貌美好王愛之王元妃恐奪嫡譖好  
童無禮於妾王疑之或勸自釋曰我若自釋是顯母  
之惡貽父之憂遂伏劍死

金富軾曰今王信譖言殺愛子其不仁不足道矣  
而好童不得無罪何則子之見責於其父也宜若



舜之於瞽瞍小杖則受大杖則走期不陷父於不  
義好童不知出此而死非其所可謂執於小謹而  
昧於大義其公子申生之譬耶

百濟下合州郡始作稻田○高句麗龔樂浪滅之樂

浪人五千投新羅○駕洛國今金海府始祖金首露立漢

武十八年壬寅新羅儒理王十九年○初駕洛有我

刃下汝刃下等九人各為酋長無君臣位號率其民

之有六金卵不日皆化為鳥男奇偉長大衆皆驚異推

立始生者為主因金卵姓金氏以始見名首露國號

大駕洛又稱伽倻餘五人各為五伽倻主曰阿羅伽  
伽古寧伽倻大伽倻星山伽倻小伽倻駕洛後改稱  
金官國東至黃山江東北至伽倻山西南際大海西  
界智異山首露王立七年戊申阿踰陀國公主浮海  
而至王納為妃是為許氏○阿羅今咸安古寧今咸

新羅儒理王 高句麗大武神王 百濟及金首露王



昌大伽椰今高靈星山今星州小伽椰今固城漢建武二十年帝遣兵渡

海伐樂浪取其地為郡懸薩水以北屬漢高句麗

王無恤薨在位二號大武神王太子解憂年幼國人

立王弟解邑朱建武二十一年甲辰立五年而薨王嘗田於閩

中原見石窟謂左右曰吾死必葬於此及薨從遺命

葬石窟號閔中王太子解憂立建武二十四年暴戾不仁不

恤國事坐必藉人臥必枕之人或動搖輒殺之臣有

諫者射之民怨天怒災異不絕在位六年而杜魯弒

之葬於慕本原因以為號國人迎琉璃王孫宮立之

是為太祖王建武二十九年癸丑宮生而能視幼而岐嶷年七



歲太后垂簾聽政。高句麗伐東沃沮取其地為邑。

於是拓境東至滄海南至薩水。新羅王儒理薨。

三十昔脫解從遺命。漢中元二年丁巳

權近曰自夏后氏以來有國家者必傳其子不惟

憂後世爭奪之亂也所以重宗社也傳之異姓則

謂之革命而祖廟不血食矣儒理從父亂命而卒

傳之脫解其不識輕重甚矣若曰雖傳異姓祖廟

尚存則神固不享非類矣其可謂之血食乎若以

堯舜之禪讓為言則堯舜之禪讓以天下為公為

天下得人也南解之傳子堦以國家為私安敢藉



以為言哉

子甲

西鄙蛙山狗壤等城新羅發奇兵擊走之自是連歲

來侵互相攻取新羅王夜聞金城西始林間有雞

聲遣瓠公視之有小金櫝掛樹梢白雞鳴于下瓠公

還告王取櫝開之有小男兒王喜養為子名闕智兒小

稱之出於金櫝姓金氏改始林為雞林因以為國號

新羅以宗戚朴氏分理州郡號州主郡主百濟王

多婁薨在位五年太子已婁立漢章帝建初二年丁丑新羅王

脫解薨在位十四年儒理王第二子娑娑立漢建初五年庚辰



下令曰今倉廩空實我器不堅利宜勸農粟  
鍊兵革又令繕葺城壘以備不虞分遣十人廉察州  
郡不勤職事田野多荒者黜之又問高年賜穀境內  
大有年行者不齎糧○加耶兵連歲侵新羅南鄙王  
親率勇士五千出戰破之又欲舉兵伐加耶加耶國  
主遣使謝乃止○新羅王二十二年春築城于金城  
東南號月城或號在城周一千二百三十三步秋七月移  
居新城○音汁伐國與悉直谷國爭強詣新羅請凌  
王難之謂首露王年老多智召問之首露立凌以所  
爭地屬音汁伐國王命六部以饗首露五部皆以伊



食擯之惟漢祗部以位卑者擯之首露怒命奴殺漢  
祗部主保齊而歸奴逃依音汁伐主王使人索其奴  
不送王怒以兵伐音汁伐國其主與衆自降○高勾  
麗侵掠遼東六縣太守耿夔出兵拒之麗軍大敗○  
新羅大水民飢發使十道開倉賑之○新羅蝗害穀  
王遍祭山川以祈之蝗滅有年○新羅王婆娑薨在

三十三太子祗摩立漢永初六年壬子

**祗摩**四年王伐加耶國師渡黃山河加耶伏兵發

圍王數重王奮擊凌圍而退○高勾麗王六十六年

與歲百歲相本朝接鮮之東地窮南大與海辰西韓至北樂與浪高漢勾武帝麗元沃朔沃五



年穢君南閭畔朝鮮率二十八萬人詣遼東降以其地為滄海郡數年乃罷建武中封烏縣侯歲時朝貢其言語法俗與高句麗同人性愚龍漢玄菟攻華麗愆少嗜欲○穢今江陵緡今春川

城越三年春漢幽州刺史馮煥玄菟太守姚光遼東太守蔡諷等將兵侵高句麗擊殺穢緡渠帥盡獲兵仗財物王乃遣弟遂成詐降領兵據險以遮大軍潛遣兵攻玄菟遼東二郡焚其城郭殺獲二千餘人王與鮮卑兵又侵遼太守蔡諷與戰敗績○高句麗王以其弟遂成統軍國事

史氏按魯隱公命羽父帥師終致鍾巫之變莊公以慶父主兵卒召武闈之禍麗王老老親弟遂成

新羅祿麻王 高句麗太祖王 百濟己黃王



位長百僚專擅威福有今將之心又使之統軍國  
重事以長其惡竟付之神器愛子大臣旋被誅戮  
禍延宗社由不能辨之早謹於微也其得免鍾巫  
武闈之禍幸矣

子甲

新羅王十三年甲子九月晦日有食之○高句麗以沛

者穆度婁為左輔高福章為右輔與遂成叅政事度

婁後知遂成有異心稱疾不仕○百濟王已婁薨在位

五十年王志識宏遠不留心細務子蓋婁立漢永建三年戊辰

新羅王祗摩薨在位二年王無子儒理王長子逸聖

立漢陽嘉三年甲戌



新羅長嶺五柵侵掠不止新羅旋立  
柵以防之○高勾麗遂成遊獵無度其弟伯固切諫  
不聽○高勾麗丸都地震王夢一豹斲虎尾占者曰  
虎者百獸之長豹者同類而小者也意者王之族類  
殆有謀絕大王之後者乎王不悅問高福章對曰作  
不善則吉變爲凶作善則災反爲福大王憂國愛民  
雖有小異庸何傷乎後遂成出獵謂左右曰王老吾  
齒亦暮不可坐待願爲我計之皆曰惟命有一人曰  
王子有不遜之言而左右不能直諫可謂姦且諛矣  
吾欲直言可乎遂成曰可曰今王賢明內外無異心



子雖有功率羣不逞之徒謀欲廢之雖愚者猶知不  
可若王子改圖易慮王知王子孝順必有揖讓之心  
不然則禍將及也遂成不悅左右曰此人妄言禍福  
若來殺恐漏言致悔遂成從之右輔高福章言於王  
曰遂成將反請先誅之王不從又諫不聽乃禪位退  
老別宮稱為太祖大王在位十四年遂成立年七十六漢本

初元年殺福章及太祖元子語在福章傳

丙戌

史氏曰福章為時右輔當炳幾先圖難於其易為

大於其細可也當丸都地震或者占夢之時為福

章計者盡言極諫王必悔悟矣而顧乃泛言福善



禍淫之說諂辭以悅之使王無復有疑後雖請誅

吁亦晚矣

新羅王逸聖薨在位二年王置政事堂令州郡修隄防

開田野禁民用金銀珠玉長子阿達羅立漢永興二年甲午

阿達羅王身長七尺豐雫有奇相○二年阿滄吉

宣謀叛事覺奔百濟新羅王移書請之不從王怒出

師擊之百濟諸城堅守羅兵糧盡乃歸

金富軾曰春秋時莒僕來奔魯季文子曰見有禮

於其君者事之如孝子之養父母也見無禮於其

君者談之如鷹鷂之逐鳥雀也今吉宣亦女賊之

新羅王逸聖薨至王  
阿達羅王  
阿滄吉



人百濟王納而匿之是掩賊為藏者也由是失隣國之和使民困於兵革其不明甚矣

新羅王三年開難立嶺路四年置迎日縣東海濱有

鳥妻曰細鳥一日迎鳥採藻海濱忽漂至日本小島為王細鳥又漂至其國立為妃是時新羅日月無光

日者曰迎鳥細鳥日月之精今去日本故有斯怪於是置迎日縣五年開竹嶺路○

高句麗前王薨壽百十歲高句麗明臨答夫弒其君遂

成在位二年立王弟伯固漢迎熹八年乙巳初伯固避遂成遯

于山谷及遂成被弒左輔於支留與羣臣議迎伯固

請立伯固三讓而後即位年七十七號遂成次大王

下令大赦國人歡呼初答夫之難遂成太子鄒安逃



竄山谷至是詣闕請罪王賜狗山瀨婁頭谷二所封  
為讓國君以答夫為國相陞為沛者

權近曰君臣之分猶天壤然弑逆之賊無彼此一  
也故春秋之法國君有為弑逆者所立而不能討  
其賊則是亦與聞乎故而不免首惡之名矣今答  
夫弑遂成而立伯固伯固徒知立已之為有德而  
不患弑君之為當討反寵任之是舉國君臣比為  
弑逆之黨三綱淪而入紀滅矣

百濟王蓋婁薨

在位三十九年

子肖古立

漢延熹九年百濟潛

師襲破新羅西鄙二城虜男女一千新羅命一吉倉



興宣領兵二萬伐之百濟懼還侍乞和○漢熹平元  
年玄菟郡太守耿臨以大兵欲攻高句麗王問羣臣  
戰守孰便衆曰漢兵恃衆輕我若不出戰以我爲怯  
必數來請出師禦之答夫曰不然漢以強兵遠闢其  
鋒不可當且兵衆者宜戰兵小者宜守今漢入千里  
轉糧不能持久若我深溝高壘清野待之不過旬月  
其勢必歸我以精兵薄之可以得志王然之嬰城固  
守漢人攻之不克士卒飢窘引還答夫率千騎追戰  
大敗之匹馬不返王大悅賜答夫食邑○高句麗王  
伯圖薨在位十年號新大王太子男武立漢光和二  
年巳未姿



表雄偉莅事聽斷寬猛得中○新羅阿達羅王薨在

三十無嗣國人立脫解王孫伐休漢中平元年甲子

**伐休三**王占風雲預知水旱豐儉又能知人邪正人

謂之聖王巡州郡觀風俗下令無作土木之事以奪

農時○新羅仇道與百濟戰狗壤勝之殺獲五百餘

級繼而百濟襲新羅西境圓山鄉百濟兵佯退將軍

仇道追至蛙山濟兵還擊大敗之王以仇道失策貶

為缶谷城主以辭至為左軍主○高勾麗沛者於界

留評者左可慮等謀叛伏誅二人皆以外戚執國柄

多行不義國人怨憤王怒欲誅之左可慮等叛聚眾

新羅伐休王 高勾麗新大正故國川王 百濟肖古正



攻王都王徵畿內兵討平之王旣誅左可慮等遂下令曰近者官以寵授位非德進毒流百姓動我王家此寡人不明之過也汝四部其各舉賢良在下者於是共舉東都晏留王徵之委以國政晏留言於王薦乙巴素語在巴素傳王謂晏留曰向非子孤不能得巴素乃拜大使者○高勾麗立賑貸法初王出畋路見哭者問之對曰臣貧窮常以傭力養母今歲不登無所於傭不得升斗之食以是哭王曰孤爲民父母使民至於此極孤之罪也給衣食以存撫之仍命內外所司訪鰥寡孤獨老病貧乏者賑恤之又令每歲



自三月至七月出官穀以賑貸百姓稱家口多少至

冬月還輸以爲恒式内外大悅○震新羅宮南大樹

又震金城東門是歲新羅王伐休薨在位十年奈解立

伐休第二子伊買之子也國人以太孫助貴尚幼奈解稍長立之○漢建安元年丙子

**奈解**容儀雄偉有俊才新羅自正月不雨至四月

王卽位日乃兩百姓歡慶○中國大亂漢人避亂投

高勾麗者甚多○高勾麗王男武薨在位十年號故國

川于后矯遺命立王弟延優漢建安二年丁丑王薨后秘不

發喪夜往王弟發歧第曰王無後子宜嗣之發歧曰

婦人夜行禮乎后斬優往延優延優迎入飲之后遂



共延優八宮翌日矯命立之發歧憤怒遂以兵圍王

宮知事不濟奔遼東請師於太守公孫度討延優延

優命其弟燭須將兵禦之發歧不克自刎死延優立

前王妃于氏為后○駕洛國王首露薨新羅奈解王四年

五十八歲王后許氏亦壽百五十七子居登立○百濟攻新羅腰車城

拔之殺其城主百濟連歲來侵新羅命王子利音將

六部精兵六千伐百濟破沙峴城仍以利音為伊伐

食兼知內外兵馬事○高句麗王立王子郊彘為太

子先是郊彘逸掌者追之至酒桶村有一女年二十

許美而艷遇彘執之王聞而異之微行幸其女于后



聞而妬陰遣兵士殺之女男服而逃兵士追及之女  
曰殺我王命乎今妾有娠殺妾可也殺王子可乎兵  
士不敢害王乃復幸女家問汝有娠是誰之子對曰  
平生不與兄弟同席况敢近異姓男子乎乃生男始  
因郊豕而得命名郊彘至是立為太子改名憂位居  
○高句麗王十三年移都丸都○百濟王肖古薨位  
四年元子仇首立漢建安十年甲午身長七尺儀威秀異○  
九十年元子仇首立漢建安十年甲午身長七尺儀威秀異○  
靺鞨圍百濟赤縣城城主固拒賊退王帥勁騎八百  
追之戰於沙道城下大破之設二柵於城側添兵戍  
之○漢平州人夏瑤以一千餘家投高句麗○百濟



兵圍新羅獐山城王親率兵擊破之○百濟侵新羅

牛頭鎮新羅伊伐飡忠營逆戰見敗貶為鎮主以連

珍為伊伐飡兼知兵馬事○高勾麗王延優薨在位

一年葬山上太子憂位居立魏明帝太和元年丁未和性寬仁王

后欲試王心候王出遊截王路馬鬣王還曰馬無鬣

可憐又令侍者進食陽覆羹於衣亦不怒○新羅王

奈解薨在位三年助賁立魏太和四年庚戌

**助賁**身長大美儀表臨事明斷國人畏之以伊飡

昔于老為大將軍討破甘文國以其地為郡倭寇新

羅東邊于老戰于沙道乘風縱火焚戰艦賊赴水死



盡于老解于老王子百濟王仇首薨在位二年國人立肖古王

母弟古爾魏青龍二年甲寅百濟王獵海島手射鹿四十

權近曰蒐狩之禮所以為民除害也然其好生愛

物之心亦所不忍故制為禮制使不敢過焉易曰

王用三驅失前禽禮曰天子不合圍諸侯不掩羣

大夫不麇叩士不覆巢蓋不欲并包而多取也以

御則逐禽左者蓋不欲詭而多獲也以射則天子

殺下大綏諸侯殺下小綏亦不欲久畋而多殺也

濟王以國君之尊曠廢政越風濤之險觸啣檠

之危多殺不忌誇示射御之能侈然自肆而不知

新羅太子解王助貢五  
高句麗山上王東川王  
百濟仇首王古爾王



其爲非仁心公矣吁人不可以無仁心也大夫士亦不可多取况人君乎傳曰馳騁田獵令人心發狂可不戒哉

吳王孫權遣胡衛通和于高句麗王斬其使傳首於

魏又遣使如魏賀改元遣兵助司馬懿討公孫淵

新羅王十五年甲子以伊飡于老爲舒弗邯兼知兵馬

事高句麗侵新羅北邊于老將兵出擊不克退保馬

頭柵時天寒于老躬行勞問手燒新煖之士來感喜

如挾纊○魏正始七年遣幽州刺史母丘儉將萬兵

出玄菟侵高句麗麗王將步騎二萬逆戰於沸流水



上敗之又再戰於梁貊谷又敗之前後斬獲六千餘  
級王謂諸將曰魏之大兵反不如我小兵魏之名將  
命在我掌握乃以鐵騎五千進擊之儉烏方陣死戰  
麗軍大潰死者萬八千餘人王以餘兵奔鴨綠原母  
丘儉攻陷丸都城屠之王奔南沃沮語在密友紐由  
傳初麗人得來見王侵叛中國數諫不從嘆曰立見  
此地將生蓬蒿遂不食死儉令諸軍不壞其墓不伐  
其樹得其妻子皆放遣之麗王以丸都經亂不可復  
都移都平壤城○新羅王助賁覽在位十年母弟沾解  
立魏正始八年丁卯



封父骨正為立神葛文王新羅稱追封王皆稱葛文

金富軾曰漢宣帝即位有司奏為人後者為之子

故降其父母不得祭尊祖之義也是以帝所生父

稱親諡曰悼母曰悼后此諸侯王此合經義為萬

世法故後漢光武宋英宗法而行之新羅自王親

八繼大統之君無不追王其父非特如此而已封

其外舅者亦有之此非禮固不可為法也

高句麗王憂位居薨在位二十二年號東川王太子然弗立

魏正始九年戊辰儀表俊爽有智略東川之薨國人懷德莫

不哀傷近臣欲自殺以殉者及葬至墓自死者甚多



國人伐柴以覆其屍遂名其地曰柴原○新羅于老  
討滅沙梁伐國沙一云伐○倭寇新羅殺于老語在于老  
傳○高勾麗王殺夫人貫那初貫那顏色佳麗髮長  
九尺王愛之將立爲小后王后椽氏恐其專寵言於  
王曰妾聞西魏求長髮購千金昔我先王不致禮於  
中國被兵出奔殆喪宗社今王遣一介行李以進長  
髮美人則彼必欣納無復侵伐王默然貫那懼反讒  
后於王後王出獵還貫那將革囊迎哭曰后欲以此  
盛妾投諸海願大王賜妾微命得返於家王知其詐  
怒曰汝要八海乎遂盛革囊投之西海○高勾麗王



敗于杜訥谷魏將尉遲楷來伐王簡精騎五千戰於

梁貊谷敗之斬首八千餘級○百濟改官制置六佐

臣掌宣納事內頭掌庫藏事內法掌禮儀事衛士掌

宿衛事朝廷掌刑獄事兵官掌外兵馬事已上并一

品又置達率恩率德率扞率奈率將德施德固德季

德對德文督武督佐軍振威克虞以上自二品下至

十六品令六品以上服紫以銀花飾冠十二品以上

服緋十六品以上服青王服紫大袖袍青錦袴金花

飾烏羅冠素○百濟遣使新羅請和不從○新羅王

沾解薨在位十年金味鄒立魏景元二年辛巳

**味鄒**姓金氏闕智七世孫也助賁王妻追封父仇

道烏葛文王○百濟立犯賊法凡官人受財及盜者

三倍徵贓禁錮終身○新羅自春至夏不兩王會羣



臣訪刑政得失又遣使五人問民疾苦○高勾麗王

然弗薨在位二十三年號中川王太子藥盧立晉泰始六年庚寅性

聰悟而仁國人愛之○高勾麗王患肅慎侵害邊民

思得奇謀異略才堪將帥者問羣臣皆曰王弟達買

可堪於是遣達買伐之拔檀盧遷六百餘家於扶餘

南降部落六七所以為附庸王大悅封達買為安國

君知內外兵馬事○新羅王味鄒薨在位三年昔儒禮

立晉太康五年甲辰

**儒禮**助費王長子也○高勾麗王藥盧誘殺其弟逸友素

勃初二人詐稱病往溫湯與黨類戲樂無節出言悖

新羅王味鄒王儒禮王高勾麗王中川王西川王百濟王高句麗王



逆王偽拜相名之令武士執而殺之○百濟王古爾

薨在位三年子責稽立晉太康七年身長大志氣雄傑○

高句麗王藥廬薨號西川在位三年太子相夫立晉元康二年

拜王叔父安國君達官有大功業國人倚重王多

猜忌惡而殺之國人無不涕泣相弔○新羅王患倭

人屢犯邊城民不安居欲與百濟共擊之弘權諫止

之○燕慕容廆侵高句麗至故國原發西川王塚殺

者有暴死亦聞壙內有樂聲恐有神乃退先是王避

虜兵往新城追者將及新城宰北部小兄高奴子以

五百騎迎王遇虜軍擊敗之王喜加爵大兄賜食邑



至是王惠慕容履復問羣臣倉助利乃薦高奴子為

新城太守奴子善政有威聲慕容履不復來侵○伊

西古國今清道郡攻新羅金城甚急新羅禦之不能克忽

有異兵大至皆珥竹葉助羅軍擊破之竟不知所歸

人或見其竹葉數萬積於味鄒王陵前國人謂先王

以異兵陰助因號陵竹長○百濟王責稽為貊兵所

害在位十三年子汾西立元康八年幼而聰慧儀表英挺

○新羅王賜印觀署調二人壽印觀賣縣於市署調

以穀買之而還忽有蒼攬縣墮印觀家觀取歸市謂

署調曰蒼墮汝縣於吾家今還汝署調曰蒼攬縣矣

新羅王惠慕容履復問羣臣倉助利乃薦高奴子為新城太守奴子善政有威聲慕容履不復來侵伊西古國今清道郡攻新羅金城甚急新羅禦之不能克忽有異兵大至皆珥竹葉助羅軍擊破之竟不知所歸人或見其竹葉數萬積於味鄒王陵前國人謂先王以異兵陰助因號陵竹長百濟王責稽為貊兵所害在位十三年子汾西立元康八年幼而聰慧儀表英挺



汝天也吾何受焉申觀曰然則還汝穀署謂曰吾與  
汝市已二日穀已屬汝固辭不受二人相讓并棄於  
市而歸掌市官以聞王并賜爵○新羅王儒禮薨在位

十五年基臨立助貴王孫元康八年

**基臨**新羅與倭國交聘王巡比列忽今安邊問高年

及貧窮者賜穀有差至牛頭州春望祭太白山樂浪  
帶方兩國來服○高勾麗自春至秋不雨民飢相食

王發國內男女修宮室倉助利諫曰天灾荐至黎庶

流離此誠畏天憂民恐懼修省之時也大王曾是不

忠驅飢餓之人窮土木之役甚乖為民父母之意况



隣有強敵若乘弊而來其如社稷何王怒曰君者民  
所瞻望宮室不壯麗無以示威重今國相欲謗寡人  
以于百姓之譽乎助利曰君不恤民非仁也臣不諫  
君非忠也臣承乏國相不敢不言豈敢干譽王笑曰  
國相欲爲百姓死耶助利知王不悅退與羣臣謀廢  
之遣祖弗蕭友等訪乙弗初王謂其弟咄固有異心  
殺之咄固子乙弗遊於野王求殺之不得乙弗就傭  
水室村人陰牟家陰牟役之苦乙弗不堪乃去販鹽  
下鴨綠江寓村家傭嘗艱楚形容枯槁人不知爲王  
孫也蕭友等物色之就拜曰今國王無道國老羣臣



議以王孫儉約仁慈可以嗣大業故遣臣奉迎耳乙

弗曰予野人非王孫也蕭友等曰羣臣之望王孫甚

勤請王孫無疑遂奉以歸匿之烏陌南家助利從王

出獵先以蘆葉挿冠喻衆曰同心者效我衆皆挿之

遂廢王幽於別室王知不免自經二子亦死助利遂

立乙弗烏王晉康元葬王於烽山號烽上王在位九年

高勾麗王率兵三萬侵玄菟虜獲八千人移于平

壤甲子○新羅王七年地震泉湧京都地震毀民屋有

死者甲子○樂浪太守遣刺客殺百濟王汾西在位七年國人

立比流晉興元子仇首王子寬慈愛人強力善射○新羅

立比流晉興元子仇首王子寬慈愛人強力善射○新羅



王基臨薨在位十年無嗣國人立訖解晉永嘉四年庚午

**訖解**角干昔于狀貌俊異心膽明敏幼有老成德

○倭請婚於新羅以阿飡急利女送之

史氏曰春秋之法父母之讎不共戴天倭嘗殺王

之父今乃忘親匿怨包羞許嫁何歟曾莊之於齊

襄忘父之讎或盟或主婚春秋備書而譏貶夫差

不念越王之殺其父出入警省終必報復而後已

今王非特春秋之罪人抑亦夫差之罪人歟

高句麗數遣兵侵遼東慕容廆遣慕容翰等伐之麗

王求盟翰等乃還是後又侵見敗○百濟內臣佐平

高句麗慕容廆王 百濟內臣佐平



優福據北漢城叛王發兵討之○高勾麗王乙弗菟

號美川在位三年太子斯由立改名釗晉咸和六年辛卯王如

卒本祀始祖廟賑百姓老病者○高勾麗遣使如晉

○高勾麗王十二年修葺丸都城秋八月移居丸都

是年冬燕王慕容皝自將勁兵四萬以慕容翰慕容

霸為前鋒攻陷丸都城麗王單騎走入斷熊谷燕發

美川王墓載其尸虜王母王妃男女五萬餘口燒宮

室毀都城而還先是麗王數侵燕境因致燕王積憤

謀臣獻策大兵奄至一敗至此遣弟稱臣貢珍異千

數乃還其父尸猶留其母為質麗王移居平壤東黃



城城在西安木寬山中

百濟王比流薨

在位四十年

契王立

晉建元二年

年甲辰西王長子

天資剛勇善騎射

倭遣使新羅請婚

不報倭移書絕交

百濟契王薨

在位三年

和二年丙午比流第二子

體貌奇偉有遠識

倭寇新羅圍金

城急伊伐食康世閉門不出待其師老食盡將退勁

騎追擊走之

高勾麗王遣使于燕納質修貢請其

母燕王雋許之封王樂浪公如故

新羅王訖解薨

在位四十七年王無嗣金奈勿立

永和十二年丙辰

# 東史纂要卷之一

新羅訖解王 高句麗故國原王 百濟契王近肖古立



東史纂要卷之二

新羅紀

**奈勿**

味鄒王弟末仇之子也

母金氏妃金氏亦味鄒王女也

權近曰魯公之取吳晉侯之四姬君子譏之若新

羅則不止取同姓亦及於期功之親人道大敗矣

新羅發使撫問鰥寡孤獨賜穀人三斛孝悌異行者

賜爵一級○新羅王九年子甲倭兵大至王造草偶人

為疑兵伏勇士一千於斧峴倭人直進伏發掩擊殺

之幾盡○秦王猛伐燕破之太傅慕容評奔高句麗

王執送於秦○高句麗屢侵百濟敗北○百濟王帥

子甲



精兵攻高句麗平壤城麗王釗力戰拒之中流矢薨

在位四號故國原王太子丘夫立身長有雄略晉咸

十一年未年辛百濟王二十六年移都漢山遣使朝晉高

句麗王二年秦王符堅送浮屠順道及佛像佛經于

高句麗高句麗佛法始此百濟禿山城主率三百

人投新羅王納之分居六部百濟王移書曰兩國和

好約為兄弟今王納我叛民甚乖和親之意請還之

答曰民無常心懷則來斃則去王不患民之不懷而

責寡人乎百濟不復言百濟以高興為博士百濟

自開國未有文字至是始有書記高句麗攻百濟

新羅本末勿王 高句麗小獸林王 百濟近肖古王



北鄙水谷城陷之又將大舉兵報之以年荒不果

權近曰父母之讎不共戴天苟不復讎寢苫枕戈

無時而已焉百濟攻殺麗王釗其子丘夫繼位惟

以頒律令創佛寺為事未嘗奮發起兵及是年秋

攻陷水谷蓋庶幾於復讎矣惜不能必復而遽已

也

百濟王近肖古薨

在位三十年

太子近仇首立

晉康寧三年乙亥

先是高句麗侵百濟王遣太子近仇首拒之至半乞

讓將戰有斯紀者本百濟人誤傷國馬蹄懼罪奔高

句麗至是來告太子曰彼雖多其驍勇惟赤旗若先



破之其餘自潰太子從之進擊大破之追奔至水谷  
城將軍莫古解諫曰知足不辱知止不殆今所得多  
矣何必求多太子善之積石鳥識其地有巖石罅若  
馬蹄者至今稱為太子馬跡兩國互相攻伐連歲未  
已○高句麗遣使朝秦○新羅遣衛頭如秦貢方物  
符堅問曰卿言海東之事與古不同何耶對曰時代  
變革名號改易中國亦然今焉得同○百濟王近仇

首薨

在位十年

元子枕流立

晉大元九年甲申

遣使朝晉胡僧摩

羅難陀自晉至百濟王迎致宮內禮敬焉百濟佛法

始此○高句麗王丘夫薨號小獸林在位十年無嗣弟



伊連立九年王出兵四萬陷遼東玄菟虜男女一萬

口而還燕慕容農將兵攻麗復遼東玄菟二郡○百

濟王枕流薨二年弟辰斯立大元十年王強勇聰慧多

智略發國內人年十五以上設關防自青木嶺北距

八神城西至于海○百濟命嘉謨伐高句麗拔都坤

城虜二百人王以嘉謨為兵官佐平王獵於狗原七

日乃返修宮室穿池造山植異卉養奇禽○高句麗

王伊連薨九年號故國壤太子談德立大元十七年王

雄偉倜儻帥兵四萬攻陷百濟北鄙石峴等十餘城

漢水北諸部落多沒焉又攻拔百濟關彌城○百濟



王辰斯田於狗原經旬不返薨於行宮

在位八年

阿莘立

大元十七年○志氣豪邁好鷹馬○倭兵圍新羅金

城五日王命閉門固守伺賊退勇騎二百步卒一千

要歸路夾擊大敗之○百濟王憤闕彌城為高勾麗

所有以其舅真武為左將將兵一萬伐高勾麗武親

冒矢石身先士卒城垂拔以糧道不繼引還○高勾

麗築國南七城以備百濟百濟左軍真武等伐高勾

麗王拒戰於浪水百濟軍大敗死者八千人冬十二

月濟王欲雪浪水之耻以兵七千過漢水次青木嶺

下會大雪士卒多凍死回軍自是兵連禍結民甚苦

新羅本系勿二  
高句麗故國壤王廣開土王  
百濟辰斯至阿莘王



之多奔新羅○百濟與倭結好遣太子腆支爲質

權近曰世子君之儲副其重係乎宗社不可以輕  
出者也曹伯使世子射姑來朝於魯君子譏之朝  
且不可况出質乎百濟王以世子映出質于倭則  
是輕其國本而棄之非類之地也苟能修德行政  
強於自治以通隣好倭人雖暴何畏焉乃不能然  
以千里畏人汲汲焉欲結其好出質世嫡處若小  
夷之事中國而不知耻焉衰微甚矣何以爲國乎  
燕王盛以麗王遣使而禮慢自將三萬兵以驃騎大  
將軍慕容熙爲前鋒拔高句麗新城南蘇二城拓地



七百餘里徙五千餘戶而還○新羅王奈勿薨在位四十年

杜嗣子幼弱國人立實聖晉元興元年壬寅○金闕智裔孫伊食大西之子

明達有遠識王常恨奈勿王質已於高勾麗

患欲釋憾遣其子末斯欣質于倭以末斯品為舒弗

耶委以軍國事○百濟白氣自王宮西起如匹練○

百濟王阿莘薨在位十年太子腆支立晉義熙元年乙巳腆支

質倭國仲弟訓解攝國政以待太子還季弟碟禮殺

訓解自立腆支聞王計請歸國倭主以兵衛送至國

界依海島國人殺碟禮迎立為王○新羅王聞倭人

置營於對馬島鍊兵峙糧謀將襲之欲先其未發擊

新羅實聖王 高句麗廣開土王 百濟腆支王



破之舒弗邯未斯品曰臣聞兵凶戰危况涉巨浸以  
伐人脫或失利悔不可追不若依險設關來則禦之  
伺便出擊此所謂致人而不致於人策之上也王從  
之○高句麗王十七年遣使北燕且叙宗族北燕王  
雲遣侍御史李拔之雲祖父高和本高句麗支庶  
之仕燕自謂高陽氏之苗裔以高爲氏雲深沉有局  
量厚重希言時人咸以爲愚惟馮跋奇而友之慕容  
寶之爲太子也雲以武藝給事東宮拜侍御郎襲破  
慕容會軍寶子之賜姓慕容氏封少陽公燕王熙之  
葬符氏也跋詣雲謀之雲懼曰吾嬰疾歷年卿等所



知夏圖之跋逼曰慕容世哀河間暴虐逆亂天常百  
 姓患亂此天亾之時公本高氏名家何能為他養子  
 機運難搖千載一時公為得辭扶之而出雲曰卿今  
 興達大事累見推逼所以徘徊非為身也實惟不德  
 不足以濟黎元耳跋等強之雲即天王位復姓高氏  
 改元正始○高勾麗請質于新羅王遣卜好為質卜  
 好未斯欣之兄也○高勾麗王談德薨號廣開土  
 二十二年太子巨璉立是為長壽王義熙九年癸丑○新羅吐含  
 山崩水湧高三丈○新羅訥祗弒其君寶聖在位十  
 自立號麻立干義熙十三年丁巳初寶聖怨奈勿王質已於



麗欲害其子以報之密招麗人之素相善者殺訥祗

令訥祗往逆麗人見而奇之告其故訥祗怨王殺之

**國** 瑤物軟良州干朴堤上如高勾麗與王弟卜

好來又謀還未斯欣如倭死之語在堤上傳○百濟

王腆支薨在位十年長子久爾辛立宋高祖永初元年庚申○新

羅王八年甲子養老於南堂王親執食賜穀帛有差○

百濟王久爾辛薨在位八年長子毗有立宋元嘉四年丁卯○高

勾麗王十五年移都平壤○百濟遣使朝宋宋遣使

冊授前王腆支爵號○百濟遣使新羅請和又送良

馬白鷹新羅王以黃金明珠報聘○高勾麗王遣使



朝魏且請國諱世祖嘉其誠欵使錄世系及諱以與  
之遣使封王爵○高勾麗王二十六年殺燕王弘初  
燕王馮弘患數被魏侵國日蹙密遣使乞投于高勾  
麗王遣將葛蘆等將兵數萬隨燕使至和龍迎燕王  
弘至遼東王遣使勞之曰龍城王馮君爰適野次士  
馬勞乎弘慙怒稱制讓之王處之平邗尋徙北豐弘  
素侮高勾麗攻刑賞罰如在其國王乃奪其侍人取  
其太子王仁爲質弘怨之遣使如宋上表求迎宋太  
祖遣王白駒等迎之并令高勾麗資送王不欲弘南  
往遣將孫漱高仇等殺弘于北豐拜其子孫十餘人



白駒以所領七千兵掩討殺仇擒漱王以白駒等專  
殺執送之太祖下白駒等獄已而原之○新羅教民

牛車之法○倭寇新羅圍金城十日糧盡乃歸王欲

出兵追之左右諫不聽追戰獨山東大敗將士死者

過半王蒼黃棄馬登山賊圍王數重忽昏霧不辨咫尺

尺賊謂有陰助乃退○百濟王毗有薨在位二十九年長子

餘慶立是為蓋鹵王宋孝建二年乙未○春新羅地震金城

南門毀秋王訥祗薨在位四十二年長子慈悲立宋大明二年戊戌

**慈悲王**二年倭船百餘艘襲新羅東邊進圍月城四

面矢石如雨王固守賊將退出兵擊敗之追至海口



賊溺死者過半。○新羅王納其季父末斯欣女爲妃。  
○高句麗連歲遣使朝魏貢獻倍前其報賜亦加焉。  
○百濟王遣使朝魏上表略曰臣立國東極豺狼隔  
路雖世承靈化莫由奉藩瞻望雲闕馳情罔極謹遣  
駙馬都尉弗斯侯長史餘禮等克達天庭宣暢臣志  
臣與高句麗源出扶餘世篤舊款其祖釗輕廢隣好  
親率士衆凌踐臣境臣祖須整旆電邁應機馳擊梟  
斬釗首自爾已來莫敢南顧自馮氏數終醜類漸盛  
遂見凌逼構怨連禍三十餘載今璉罪盈惡積民庶  
崩離是滅亾之期假手之秋也天威一舉有征無戰



臣雖不敏志効畢力帝遣使者卻安回詔略曰朕君  
臨四海統御羣生今守內清一八表歸義卿與高勾  
麗不睦兵交累載難結荒邊使兼申胥之誠國有楚  
越之急乃應展義扶微乘機電舉但以高勾麗稱藩  
先朝供職日久於彼雖有自昔之讐於國未有犯令  
之愆卿使命始通便求致伐尋討事會理亦未周又  
詔璉護送安等至高勾麗璉不令東過於是安等皆  
還後從東萊浮海賜百濟王璽書褒美安等至海濱  
遇風竟不達而還百濟王以上表乞師於魏不從怨  
之遂絕朝貢○新羅王十八年移居明活城○高勾



麗王巨璉自將攻百濟殺其王餘慶初麗王陰求可  
以間百濟者得屠道琳應募僞得罪亾入百濟聞王  
好博奕踵門告曰臣碁頗八妙王乃只與碁果國手遂  
信昵之恨相見之晚琳一日從容言曰大王之國四  
面山河天設之險四隣莫敢覬覦王當以崇高之勢  
富有之業竦人之視聽而城郭不葺宮室不修先王  
骸骨權殯露地百姓居廬屢毀河流臣竊爲大王不  
取也王曰諾盡發國人爇土築城宮室樓臺窮極壯  
麗作石槨葬父骨緣河樹堰東自蛇城北至崇山倉  
庾虛竭人民窮困琳逃還告麗王王喜率兵三萬伐



百濟圍王都王以數十騎出城西走為桀婁萬年等

二人本濟人追及縛送害之王在位二初百濟王子

獲罪奔麗文周臨變遵父命避亂南行以存宗祀乞兵新羅比

遠城破麗兵已退遂即王位宋元徽三性柔少斷然

亦愛民移都熊津○耽羅國獻方物于百濟國在南

無人物有三神人從地湧出長曰良乙那次高乙那

三夫乙那一日三人出繼得石函有三女及諸狗犢

五穀種遂分娶居焉始播五穀養○百濟兵官佐平

解仇弒其君文周在位初解仇畜無君之心王不能

制伺王出獵使盜弒之太子三斤立宋昇明元年十

三解仇與燕信聚眾據大豆城叛王命德率道老帥



精兵五百討誅解仇燕信奔高勾麗收其妻子斬於  
市○新羅有人家甚貧衣百結時人因號百結先生  
慕榮啓期之為人常以琴自隨凡喜怒哀歡不平之  
事必於琴宣之歲將暮隣里耆粟其妻聞杵聲曰人  
皆有粟可舂我獨無何以卒歲先生仰天歎曰夫死  
生有命富貴在天其來也不可拒其往也不可追汝  
何傷乎乃鼓琴作杵聲以慰之世傳爲碓樂○新羅

王慈悲薨

在位十二年

二年

長子

炤智立

昇明三年

巳未

**炤智王**

百濟王

三斤薨

在位三年

文周王弟

昆支之子

牟大立是爲東城王

昇明三年

高勾麗與

靺鞨攻取新



羅孤鳴等七城新羅與百濟伽耶援兵追擊破之斬

首千餘級甲新羅王六年高勾麗侵新羅北邊羅

軍與百濟合擊大破之乙高勾麗遣使朝魏魏以高

勾麗方強置諸國使邨齊第一麗次之丙新羅始置

郵驛市肆丁新羅王妃及內殿焚修僧伏誅春正月

十五日王幸天泉亭有烏嚙書來鳴得其書外面云

開見二人死不開一人死王曰與其二人死孰若一

人死日官奏云一人者王也王開視之書曰射琴匣

王八宮射之果內殿焚修僧與王妃潛通者也妃與

僧皆伏誅自是國俗每歲是日以糯飯祭烏又以龍



能與兩馬能服勞有功於人猪鼠耗穀有害於人每  
於歲首辰午亥子日設祭祈禳禁百事相與遊樂謂  
之慎日○新羅王移居月城百濟民飢入新羅者  
六百餘家○高勾麗長壽王薨在位七十九年太孫羅雲立  
是謂文咨王齊永明元年辛未○扶餘王以國降高勾麗○  
新羅與高勾麗戰陸水原不克退保太牙城麗兵圍  
之百濟遣兵三千解圍○高勾麗兵圍百濟雉壞城  
百濟請救於新羅王命將救之麗衆潰○高勾麗攻  
新羅牛山城羅將實竹擊敗之兩國連年相攻○百  
濟大旱民飢相食羣臣請發倉賑救王不聽漢山人



八八高勾麗者二千濟王起臨流閣穿池置囿養奇禽諫臣抗疏不報恐有復諫者閉宮門  
●新羅王納捺已郡吟榮女初王幸郡郡人波路獻其女碧花艷美王不納後屢至其第幸之路見老嫗問曰國人以王為何如主嫗曰眾以為聖妾獨疑之王幸波路女屢微服而行夫龍為魚服漁者所制今王不自慎重此而為聖孰非聖乎王大慙潛逆其女納宮中是年冬王薨在位二年再從弟智大路立是謂智證王齊永元二年

年庚辰

智證王

奈勿王

曾孫

百濟均加弒其王牟大在位三年子



餘隆立齊中興元年辛巳是為武寧王討焉加誅之○新羅

禁殉葬前此王薨殉以男女各五人至是禁焉分命

州郡主勸農始用牛耕○新羅王四年從羣臣議始

定國號新羅稱王新者德業日新羅者網羅四方之義制喪服法定國

內州郡縣始命有司藏冰制舟楫之利○百濟立二

柵於高木城南又築長嶺城以備鞞鞬修堤堰驅內

外遊食者歸農○高勾麗百濟皆遣使朝梁○于山

國降新羅納土貢國在溟州正東海島名鬱陵地方

百里恃險不服伊飡異斯夫為何瑟羅州江陵軍主乃

以計服○高勾麗襲取百濟加弗及圓山城虜男女

新羅紀智證王 高勾麗 百濟武寧王



一千餘口百濟王帥三千騎禦戰麗人見軍少易之

不設陣百濟王出奇急擊大破之○新羅王智大略

薨在位十年智證新羅法始此子原宗立是為法興王梁天

監十三  
年甲午

**法興**始置兵部令一人○高勾麗文咨王薨在位

執太子興安立是為安藏王天監十八年○新羅頒律

令始制百官公服○高勾麗百濟遣使朝梁受冊封

○新羅遣使朝梁○百濟武寧王薨在位三年子明禮

立是為聖王梁普通四年○新羅王十五年始行佛法

初訥冠王時以居之至焯智王時有僧阿道者與其人  
毛禮作窟室以居之至焯智王時有僧阿道者與其人



徒亦來毛禮家往往有信奉者至是王欲興佛教章  
臣皆曰僧徒議論詭異若從之恐有後悔近臣異次  
頓獨曰佛法淵奧不可不信王以爲異言下吏將誅  
之異次頓曰佛若有神吾死必有異及斬血從斷處  
湧色白如乳衆  
○高勾麗安藏王薨在位十弟寶  
性之不復毀佛

延立是爲安原王梁中大通三年辛亥駕洛國王金仇衡降

于新羅法興王駕洛自始祖首露歷居登麻品居

總知仇衡凡十年新羅始稱年號曰建元自國初

年號至是中立外官挈家之法百濟移都泗泚國

號南扶餘新羅法興王薨在位二年弟立宗之子少

麥宗立是爲真興王梁大同八年庚申

**眞**年七歲太后攝政選童男容儀端正者號風

新羅法興王眞興王 高勾麗安藏王安原王 百濟聖王



月主求善士為徒以勵孝弟忠信以異斯夫拜兵部

令掌內外兵馬事○新羅王五年甲子創興輪寺許度

人為僧尼廣興佛刹○高勾麗安原王薨在位十年太

子平成立是為陽原王梁大同一年○新羅王從異斯夫

之請命大阿飡金居叅夫等集文士修撰國史○梁

遣使送佛舍利於新羅王使百官迎於興輪寺前路

○百濟王不知梁有侯景之亂遣使朝梁使者至見

城闕殘毀號泣於端門外見者莫不灑淚景聞之大

怒執囚之及景平得還○高勾麗遣使朝北齊齊冊

封麗王○新羅遣將居叅夫擊取高勾麗十郡居叅



夫奈勿王五世孫少有遠志初爲僧入高勾麗峴強  
弱聞法師惠亮開堂說經遂詣聽講一日亮問曰汝  
從何來因握手密言曰見汝容貌非常其殆有心乎  
老僧不敏亦能識子恐子見執宜速返叅夫將還亮  
曰汝燕頰鷹視必爲將帥他日無貽我害叅夫與之  
相誓而來仕至波珍食至是王命叅夫及仇珍等八  
將與百濟兵攻高勾麗百濟先破平壤居叅夫等取  
竹嶺以外高峴以內十郡於是亮率其徒見道在遼  
與之俱來見於王王以爲僧統始置百座講會及八  
關之法○伽耶樂師于勤知國將亂携樂器投新羅



王置之國原命法知階古萬德等學樂

伽耶王嘉悉法唐樂部箏

製十二絃琴命于勒造十二曲名曰伽耶又有玄琴

初晉人以七絃琴送高句麗麗人不知鼓之之法國

相王山岳頗改其制以奏有玄鶴來舞名玄鶴琴又

王費高者入地理山學琴五十年三專至貴金亦入

地理山不出之恐琴道不傳以允興為南原守俾傳

其業允興遣安長等二人歌禮學之傳其所秘飄風

等三曲安長傳于克宗 ○百濟王明禮率兵侵新羅

軍主金武力擊殺之先是百濟欲共新羅謀伐高句

麗羅王不從高句麗感之遂與羅通好百濟王怨之  
親率兵攻管山城武力領新州兵赴戰裨將都乃擊  
殺濟王乘勝大克斬佐平四人士卒二萬九千六百  
人匹馬無返者百濟謚王曰聖林位三子昌立是為



威德王梁承聖三年甲戌○新羅以國原州忠為小京徙貴戚

子弟及六部豪民以實之○高句麗陽原王薨右位十五

太子陽成立是謂平原王陳承定三年巳卯○新羅王命

異斯夫討滅大伽耶是役斯多舍者奈勿王七世孫

也年十六為國仙領其徒千餘人請從軍遂滅其國

師還策功舍為最王賞以良田及所虜三百口舍分

其田與戰士生口放為良人無一留者國人美之始舍

與武官約為死友及死○新羅皇龍寺成鑄丈六像

哭慟七日亦率年十七○銅三萬五千斤鑄金百二兩初黃龍見其地王

因舍新宮為寺有率居者盡老松於壁鳥雀往往飛  
入僧丹青補之鳥雀不復至○新羅王賜白雲際厚

新羅之真德王 高句麗平原王 百濟威德王



金闈三人爵初有二達官家同里開一時生男女男  
曰白雲女曰際厚二家約爲婚媾白雲十五而旨際  
厚父母欲改聘于茂榛太守李佺平際厚密語白雲  
曰生同一辰約爲夫婦久矣父母改舊圖新違命則  
爲不孝歸茂榛則死生在我子有信義尋我於茂榛  
際厚旣歸謂佺平曰婚姻人道之始請消吉爲禮佺  
平從之白雲尋至茂榛際厚出從俱潛行山谷忽遇  
俠客所掠去白雲之徒金闈勇士善騎射追殺俠客  
奪際厚以還事聞王曰三人信義可尚賜爵○新羅  
置花郎初君臣患無以知人欲使類聚羣遊觀其行



義取美男子粧飾之名花郎或道義相磨或歌樂相

悅歲月既久邪正自見擇而用之○新羅真興王薨

在位三十七年王幼年即位惟勤奉佛末年剃髮被僧衣自

號法雲子金輪立陳大建八年丙申是為真智王

**真智王**以金居叅夫為上大等委以軍國事○百濟

侵新羅西鄙新羅命伊飡世宗擊破於一善北斬獲

三千七百級○高勾麗百濟遣使朝後周○新羅遣

使朝陳○新羅王薨在位四年太子銅輪之子伯淨立陳

建十一年巳亥是為真平王生有奇相志識沉毅明達

**真平王**始置位和府船府署調府令禮部令○高勾

新羅真智王真平王 高勾麗真平王 百濟成德王



麗移都長安城

平原王二十八年也

○高句麗百濟遣使朝隋

或朝陳

○新羅星隕如雨

○新羅有大世者奈勿王

之後也少有方外志與僧淡水言曰在此山谷間以

終一生則何異池魚籠鳥吾將航海以至異域尋師

訪道若神仙可學則飄然乘風於泱寥之表子能從

我乎淡水不肯有仇忝者耿介有志大世與之遊南

山寺忽落葉泛庭潦大世謂仇忝曰吾欲與君西游

今各取一葉為舟以觀行之先後俄而大世之葉在

前大世笑曰吾其行乎仇忝曰予亦男兒也遂自南

海乘舟共去後不知其所往○新羅王十一年秋國



西大水漂没人戶三萬三百六十死者二百餘人發  
使賑之○隋既平陳戰艦一艘漂至耽牟羅將還道  
經百濟王厚送仍遣使奉表賀平陳隋主善之下詔  
褒美○高勾麗王聞陳凶大懼治兵積穀為拒守之  
計隋主璽書責之王惶恐將奉表陳謝而不果○高

勾麗平原王薨

在位三年

太子元立

隋開皇十年庚戌

是為嬰

陽王○高勾麗率

靺鞨

之眾萬餘侵遼西營州總管

韋冲擊走之隋主聞而大怒命漢王諒王世績將水

陸三十萬兵來伐出臨渝關值水潦軍餉不繼東萊

水兵亦遭風漂沒師還死者十八九麗王亦懼遣使



謝罪於是帝罷兵待之如初○百濟王聞隋有遼東

之役遣使奉表請為鄉導隋下詔曰高元畏服歸罪

朕已赦之不可致伐麗王恨之屢侵百濟○百濟威

德王薨在位四年第二子李明立隋開皇十八年戊午立二年薨

是為惠王長子宣立開皇十九年巳未下令禁殺生放民家

鷹鷄禁漁獵之具○高勾麗命大學博士李文真修

國史○百濟王宣薨在位二年諡曰法子璋立隋開皇二十年庚申

是為武王風儀英偉志氣雄傑○新羅王二十六年

甲廢南川州復置北漢山州○新羅王患高勾麗屢

侵封場遣使如隋請師帝許之先是百濟請討高勾麗時帝幸突厥可汗



啓民帳見麗使在啓民所黃門侍郎裴矩說帝取高  
勾麗帝從之敕牛弘宣旨曰朕以啓民誠心奉國親  
至其帳明年當往涿郡王宜早來大業七年辛未夏  
苟或不朝將往巡爾土王懼不從  
帝親征至涿郡四方兵皆集左右軍總一百十三萬  
三千八百人號二百萬其餽輸者倍之八年正月下  
詔罪責高勾麗帝親授節度連營漸進首尾相繼鼓  
角相聞旌旗互九百六十里近古出師之盛未之有  
也二月帝御師至遼水臨水爲大陣麗兵阻水拒守  
隋兵不得濟帝命造浮橋以渡大戰于東岸麗兵大  
敗死者萬計進圍遼東城麗人嬰城固守初諸將之  
東下也帝戎之曰凡軍事皆須奏聞待報無得專擅

新羅真平王 高勾麗顯宗高陽王 百濟惠王法王武王



城將陷城中人輒言請降諸將馳奏比報至城中守  
禦亦備墮出拒戰如此者再三帝終不悟三月帝幸  
遼東城南召諸將詰責之曰公等皆不願我來今我  
來此欲觀公等所爲斬公輩耳諸將皆戰懼失色高  
勾麗諸城堅守不下大將軍來護兒帥江淮水軍舳  
艫數百里浮海先進入自涇水去平壤六十里遇麗  
軍進擊大破之乘勝直造城下麗將伏兵於郭內出  
戰偽敗護兒逐入城縱兵停掠無復部伍伏發大敗  
護兒僅免士卒還者數千人初大將軍宇文述于仲  
文等與諸將分出九道皆會於鴨綠水西人馬皆給



百日糧又齎衣資戎具重莫能勝士卒皆於幕下掘坑埋之纔及中路糧已將盡高勾麗王遣大臣乙支文德詣其營詐降畢竟隋軍大敗惟衛文昇一軍獨全帝大怒鎖繫迷等七月癸卯引還是行也惟拔高勾麗武厲邏置遼東郡及通定鎮而已九年春帝欲復伐高勾麗詔徵天下兵集涿郡帝謂侍臣曰高勾麗小虜侮慢上國今拔海移山猶望克果况此虜乎光祿大夫郭榮諫不聽夏四月帝渡遼命諸將進攻遼東聽以便宜從事飛樓撞雲梯地道四面俱進晝夜不息高勾麗應變拒之二十餘日不拔主客死者



甚衆會楊玄感反書至帝大懼夜密召諸將引軍還  
軍資器械積如丘山十年帝議復伐下詔略曰黃帝  
五十二戰成湯二十七征盧芳小盜高祖尚且親戎  
隗囂餘燼光武猶自登壇豈不欲除暴止戈勞而後  
逸者哉三月幸涿郡親御戎服禡祭黃帝斬叛軍釁  
鼓七月次懷遠鎮時天下已亂所徵兵多不至高勾  
麗亦困弊自懼乞降因送斛斯政帝大悅班師徵王  
八朝竟不從●高勾麗嬰陽王薨在位二十九年異母弟建  
武立是爲榮留王唐武德元年●三國皆遣使朝唐新  
羅使至高祖親勞問之遣常侍庾文素報聘賜璽書



錦綵三百段○高勾麗遣使朝唐帝感隋末戰士多  
陷於高勾麗賜王詔書在此高勾麗人等已令追括  
遣送彼處所有此國人者王可放還於是高勾麗悉  
搜隋人未還者萬餘送之帝大喜○武德七年帝遣  
使三國冊封三國王○新羅遣使朝唐因訟高勾麗  
榷路使不得朝○百濟遣使如唐訟高勾麗榷路○  
百濟侵新羅西鄙拔二城又欲大舉兵出屯熊津新  
羅告急於唐百濟聞之乃止百濟王遣姪福信朝唐  
帝以羅濟世讎數相侵伐賜百濟王璽書責諭百濟  
因奉表陳謝外雖順服內實相仇如故○新羅大飢



沙梁宮諸舍人盜分倉穀有劔君者獨不受曰苟非  
其義雖千金豈可動心退詣近郎諸舍人恐言漏欲  
殺劔君而召之劔君欲往近郎曰胡不自於有司曰  
畏我死而抵人罪所不忍也曰盍逃乎曰彼曲我直  
而反自逃非丈夫也遂往被毒死○新羅遣將任末  
里舒玄等攻高勾麗娘臂城麗兵逆擊之羅軍失利  
無復鬪志時舒玄子庾信爲中幢主語舒玄曰庾信  
平生以忠孝自期臨戰不可不勇跨馬突陣斬其將  
諸軍乘勝城遂陷○高勾麗築長城東北自扶餘城  
東南至海千有餘里凡十六年乃畢○新羅遣使如



唐獻二美女魏徵以為不宜受上喜曰彼林邑獻鸚  
鵡猶言苦寒忠歸况二女遠別親戚乎付使者歸之

○新羅真平王薨在位五年王無子國人以長女德曼

寬仁明敏立為主是為善德主唐貞觀六年壬辰

唐帝賜牡丹花圖並花子真平王以示德曼  
德曼曰此花絕艷而畫無蜂蝶必無香種其

子果如其言一說王見畫花笑曰此花妖艷富貴壽  
無蜂蝶必不香帝遺此豈朕以女人為玉耶有微意

創芬皇寺○百濟與王寺成寤極壯麗王每親詣行

香又鑿池宮南引水注之築島嶼擬海上仙山王每

率臣僚遊泗泚河北浦四岸巖石錯立間以名花異

草王醉必鼓琴自歌令從者舞之時稱大王浦○唐

新羅善德主 高句麗廣開土王 百濟武王



遣使持節冊命新羅女主爲柱國樂浪公新羅王

權近曰天道陽剛而陰柔人道男尊而女卑男正位乎外女正位乎內人君無後當求宗室之賢以正儲副之位此古今之通義也新羅王無子愛其女德曼而欲立之羣臣乃撥先君之邪志而立其女其亂常甚矣苟有明天子在上當正其名遣使責讓擇立賢君可也若以遐方難同中國則置之度外亦可也顧以太宗之英明不能正名以定陰陽男女之分而乃遣使錫命冊女子爲樂浪公新羅王夫公與王皆主國君民之稱濫加陰柔之身



是則尊卑之辨綱常之重太宗自毀而盡棄之矣  
未幾遂致武氏僭竊之禍濁亂天常唐之宗支夷  
滅殆盡實自太宗此舉而啓之矣

新羅宮西玉門池蝦蟆大集主謂左右曰蝦蟆怒目  
兵士之相也吾聞西南邊谷有名玉門者意有隣兵  
至其谷乎乃命將軍闕川往搜之果百濟兵甲騎五  
百欲襲獨山城至玉門谷解鞍休士闕川突至掩擊  
盡殺之主喜賜絹二百匹○新羅七重城南大石自  
移三十五步○三國俱遣子弟如唐請八國學○高  
句麗日無光三日○百濟武王薨在位四十二年太子義慈



立貞觀十五年義慈幼有孝友之行時稱海東曾子○

高勾麗太子桓權朝唐帝遣職方郎中陳大德報之

大德所至城邑託觀山水遊歷殆遍悉得山川道里

險易及還備陳勾麗虛實帝於是始有東征之意○

百濟王親率兵取新羅國西獼猴等四十餘城又與

高勾麗謀欲取党項城以絕朝唐之路羅主告急於

唐○高勾麗蓋蘇文弑其君建武在位二年立王姪臧

是為寶藏王貞觀十六年○新羅主欲伐百濟以報大

野之役遣伊飡金春秋乞師於高勾麗初大野之敗

品釋死之其妻金氏亦死即春秋之女春秋倚柱立



終日不瞬言曰嗟乎大丈夫不能滅讎國乎乃詣王  
曰請奉使高勾麗乞師報怨將行謂庾信曰春秋與  
君爲王股肱休戚同之若我不還君何以處之庾信  
曰若然僕之馬跡必交踐於兩王之庭矣春秋遂與  
庾信誓曰以愚料之六旬當還過此無再見之理行  
至代買縣縣人豆斯智贈青布三百步旣入麗王素  
聞春秋名嚴兵衛而見之春秋曰今百濟無道侵軼  
我疆場寡君願仗大國之威一雪之使下臣致命於  
下執事王謂曰麻峴竹嶺本我國之地地若還兵可  
出春秋對曰臣奉君命來乞師大王無意救患而劫



行人以歸地臣有死而已王怒囚之春秋以其青布  
賂王寵臣道解道解語春秋曰子亦嘗聞龜兔之說  
乎昔東海龍女病心醫言得兔肝則可療也然海中  
無兔龍王患之有一龜曰吾能得之遂登陸見兔言  
海中有一島清泉白石茂林佳菓寒暑不能到鷹隼  
不能侵爾若得至可以安居無患因負兔行二三里  
顧謂兔曰今龍女病須兔肝為藥故不憚勞負汝來  
耳兔曰噫吾神明之後能出五臟洗而納之日者小  
覺心煩遂出肝洗之斲置巖石之底聞爾甘言徑來  
肝尚在彼若歸取肝汝得所求吾雖無肝尚活豈不



兩相宜哉龜信之乃還纜上岸兔脫八草中謂龜曰  
愚哉汝也豈有無肝而生者乎龜悶默而去春秋喻  
其意移書於王曰二嶺本大國地分臣得歸國所不  
請寡君還地者有如皦日春秋既六旬不返庾信請  
王將伐高勾麗募兵三千吾聞見危致命臨亂忘身  
夫一人致死當百人百人致死當千人千人致死當  
萬人則可以橫行天下今隣國無道國相見藁志士  
仁人腐心之秋也遂請王以行庾信已渡漢江麗謀  
者奔告王遂厚禮春秋而歸之春秋出境謂送者曰  
國家疆理非使臣所得專向與大王書云云者圖復



死耳。○新羅王遣使如唐，上言百濟與高句麗將大  
舉來伐，願乞偏師以存救援。帝賜高句麗王璽書諭  
以戰兵，蓋蘇文不奉詔。帝又遣蔣儼諭旨，蓋蘇文質  
使者囚之窟室中。已而蘇文貢白金褚，遂良曰：「蓋蘇  
文弒其君，九夷所不容，今將討之，而納其金，此郢鼎  
之類也，不可受。」帝從之。帝自將伐之，十八年十一月  
至洛陽，前宜州刺史鄭天濤已致仕，帝以其嘗從煬  
帝伐高句麗，召問之。對曰：「遼東道遠，糧轉艱阻，東夷  
善守城，不可猝下。帝曰：「今日非隋之比，公但聽之以  
張亮及李世勣為大總管，水陸分道，兩軍集於幽州。」



帝手詔諭天下以高勾麗蓋蘇文弑主虐民今巡幸  
幽薊問罪遼碣布告必勝之道又詔新羅百濟奚契  
丹分道擊之十九年春三月帝發定州親佩弓矢手  
結雨衣於鞍後世勣潛師濟遼水至玄菟高勾麗城  
邑大駭皆閉門自守副總管江夏王道宗將兵數千  
至新城攻蓋牟城拔之以其地爲蓋州張亮率舟師  
自東萊渡海襲卑一作卑沙城城陷男女八千口沒虜  
世勣攻遼東城麗王發新城國內城步騎四萬救遼  
東唐兵敗衄道宗收散卒世勣引兵助戰晝夜不息  
旬有二日帝引精兵會之圍其城鼓噪聲振天地麗



軍力戰不克死者萬餘人見虜四萬口糧五十萬石

以其城為遼州世勣進攻白巖城城主孫代音請降

世勣欲戰帝曰縱兵殺人而虜其妻孥朕所不忍臨

水設帳受降以其城為巖州是戰也新羅人薛罽頭

為左武衛果毅深八疾鬪而死功為一等帝泫然曰

中國人尚喪死顧望不前而外國人為吾死事何以

報之脫御衣覆之贈大將軍以禮葬之罽頭在新羅嘗語親友曰

國家用人論骨品苟非其族雖有鴻材不能自振我

願西游中華奮不世之略立非常之功簪紳劍佩出

八天子之庭是矣真平王進攻安市城凡六旬終不  
得拔勅班師語在安市城主傳二十年春帝還京師



謂李靖曰吾以天下之衆困於小夷何也靖曰此道  
宗所解帝顧問道宗俱陳在駐蹕時乘虛取平壤之  
策帝悵然曰當時忽忽吾不省也○高勾麗東明王  
母塑像泣血三日○新羅大臣毗曇廉宗等欲廢女  
主舉兵屯於明活城王師營於月城攻守十日夜有  
大星落月城毗曇等謂士平曰吾聞落星之下必有  
流血此殆女主敗血之兆士平呼吼聲振天地主恐  
懼虔信見主曰吉凶無常惟人所召故紂以赤雀凶  
曾以獲麟衰高宗以雉雠興鄭公以龍鬪昌故知德  
勝於妖則星辰變異不足畏也請王勿憂乃造偶人



抱火載於風鳶而颺之若上天然翌日使人傳言於  
路曰昨夜落星還上使賊軍疑焉又刊白馬祭於落  
星之地呪曰今毗曇等以臣而謀君自下而犯上此  
謂亂臣賊子人神所同嫉天地所不容今天若無意  
於此而反見星恠此臣所疑惑而不喻者也惟天之  
威從人之欲善善惡惡無作臣羞於是督諸將率奮  
擊之毗曇等敗走伏誅○新羅作瞻星臺○新羅主  
薨在位十年主知幾三事見畫花知無香聞蛙知兵預  
言死期真平王母弟國飯之女勝曼立觀二十是  
爲真德主



長七尺垂手過膝○帝復伐高勾麗以牛達  
達李世勣為將攻南蘇石城等城拔之○帝詔大將  
軍薛萬徹以裴行方副之渡海擊高勾麗○高勾麗  
羣獐渡河西走羣狼向西行三日不絕○新羅主遣  
伊飡金春秋及其子文汪如唐帝見春秋儀表英偉  
厚待之仍賜御製溫湯及晉祠二碑文并新撰晉書  
又名燕兒問曰卿有所懷乎春秋奏曰弊國僻在海  
隅服事天朝積有歲年而百濟強猾屢肆侵凌往年  
大舉濶入攻陷數十城以塞朝覲之路陛下不借天  
威剪除凶逆則弊邑梯航述職無復望矣帝深然之



乃勅將軍蘇定方帥師二十萬征百濟春秋又請改

章服以從華制於是內出珍服賜春秋春秋願留文

汪以備宿衛還至海上遇高勾麗邏兵從者溫君解

高冠大衣坐於船上邏兵以為春秋殺之春秋乘小

船得免王嘉君解贈大阿飡賞其子孫○新羅始依

華制為冠服○新羅王遣金春秋法敏如唐告破百

濟高宗永徽元年百濟將殷相攻陷新羅七城金庚信擊破之斬殷相主又自製太平

頌織錦為紋以獻其辭曰大唐開洪業巍巍皇猷昌

兩施理物體合章漢仁諧日用撫運通時康旂何

降宰輔惟帝任忠良五三成一德昭我唐家皇○



新羅始行唐永徽年號新羅自法興王二十三年始  
稱年號連世改元至貞觀二十二年新羅使邯軼許  
如唐帝勅問新羅臣事大朝何以別稱年號軼許對  
曰天朝不曾頒正朔自先祖私有紀年若大朝有命  
小國又何敢焉帝然之至是始行唐號○新羅真德  
主薨在位八年羣臣奉金春秋為王春秋三讓而後即位

永徽五年甲寅

太宗

真智王子伊  
浚龍春之子

○唐聞新羅主薨為舉哀遣使

弔祭贈爵又遣使冊新羅王王命強首製謝表遣使  
謝恩○高勾麗與百濟鞞鞞連兵侵新羅北境取三

新羅太宗王 高勾麗賢藏王 百濟義慈王



十三城王遣使求援於唐○新羅金庾信攻百濟乃  
比川城克之先是級飡未埤被虜於百濟為佐平任  
子家奴後逃歸庾信知其可用令反間於任子以庾  
信言告曰兩國存亡不可先知若子國亡則子依於  
我我國亡則我依於子任子嘿然後數月任子曰若  
之前言已悉之可歸報庾信未埤還告百濟事甚悉  
於是并吞之謀愈急○高句麗王都兩鐵○新羅東  
吐含山地燃三年而滅北巖崩碎為米食之如陳倉  
米○百濟有衆狐八王宮○高句麗九虎八城○百  
濟宮中槐樹鳴聲如人哭夜鬼哭宮南路○新羅上



大等金剛卒以金庾信代之○百濟王都井水赤如  
血西海濱羣魚死百姓食不能盡泗泚河水赤如血  
蝦蟆數萬集於樹上都市人相驚走有僵仆死者凶  
失財物無算又有犬如野鹿至泗泚河岸向王宮而  
吠者王都羣犬聚於路或哭或吠者又有鬼入宮中  
大呼百濟凶百濟凶即八地中王使人掘之浚得一  
龜背有文曰百濟同月輪新羅如月新王問之巫解  
曰同月輪者滿也滿則虧如月新者未滿也未滿則  
漸盈王殺之○百濟王二十年唐以蘇定方爲神丘  
道行軍大總管金仁問副之帥水陸兵十三萬伐百



濟勅新羅王爲行軍總管爲之聲援王親率金庾信  
真珠天存等出師次南川蘇定方等自萊州濟海舩  
艦千里軍于德勿島軍勢甚盛王遣法敏庾信等率  
精兵五萬應之七月唐羅兵過白江炭峴直趨都城  
棄勝薄城百濟王知不免與太子孝率左右夜遁保  
熊津城已而詣定方降諸城皆下百濟亾語在庾信  
成忠階伯等傳新羅王大置酒勞將士王與定方坐  
堂上坐義慈於堂下使行酒百濟羣臣莫不嗚咽流  
涕九月定方以義慈及太子孝王子泰隆演大臣將  
士八十八人百姓一萬二千八百七人渡海還唐分



置熊津馬韓東明金漣德安五都督府命郎將劉仁  
 願留鎮泗泚城百濟餘兵據南嶺樹柵屯聚遺衆叛  
 應者二十餘城帝遣中郎將王文度爲熊津都督撫  
 其餘衆文度死又以劉仁軌代之定方以義慈見帝  
 帝慰藉定方且曰何不因而伐新羅定方曰新羅其  
 君仁而愛民其臣忠以事國下之事上如父兄國雖  
 小不可謀也初唐人滅百濟謀侵新羅王名羣臣問  
人服若欲爲賊者唐人必擊之因與之戰可以得志  
度信曰斯言有理請從之王曰唐人爲我滅敵而反  
與之戰天其佑我耶度信曰犬雖喪其主踏其脚則  
反噬之豈可遇難而不救自底於公乎唐人知有備  
 乃義慈病死帝贈爵諡葬孫皓陳叔寶墓側并豎碑

新羅太宗王 高句麗寶藏王



右百濟自始祖溫祚王以前漢成帝鴻嘉三年

癸卯都慰禮城國號十濟後改百濟乙卯移都

漢山近肖古王辛未移都北漢山文周王乙卯

移都能津聖王戊午移都泗泚泚一作泚國號南扶

餘至義慈王二十年庚申唐高宗顯慶五年唐

將蘇定方與新羅金庾信合兵大敗之而百濟

亾合三十王共六百七十八年漢山今廣州

山今漢陽近肖古王取高句麗南平壤城移

都焉今京都也熊率今公州泗泚今扶餘

史氏按始祖乃以東明之胤為太子所忌懼不見  
容逃難奔竄間關崎嶇至河南建邦設都雖萬事



草創而尚能嚴兵固守禦樂浪靺鞨吞馬韓而滅  
之又能抗高句麗敵新羅成鼎足之勢以基七百  
年之業非豪傑之主能然乎多婁作稻田賑窮民  
優禮大臣有人君之度然構釁新羅爭一小城數  
十年之間兵革不息已婁修好新羅得交隣之義  
盖婁雖史稱恭順納叛臣而失隣和誣小民而亂  
其妻何足道哉肖古仇首歷年雖長無事可稱古  
爾喜遊畋未免禽荒之失然賑貧之復租調定官  
制錮賊吏交修隣好是足多者責稽汾西以千乘  
之尊不自慎重或死於敵兵或隕於賊手悲夫比



流久在民間知民疾苦作其卽位賑窮調之史稱  
寬慈愛人庶矣而四十一年之間災變屢見飢饉  
荐至民不聊生何哉契王在位纔二年但比流代  
汾西而立其終也傳汾西之子契王契王代比流  
而立其終也傳比流之子近肖古尚有遜讓之風  
近肖古與高勾麗失和至殺其主挑怨速禍世爲  
讎敵兩國之間干戈爛熳而不已近仇首在位十  
年粗保其國枕流始信佛法迎胡僧創寺度僧欲  
以邀福逾年而薨佛不足信明矣辰斯喜土木甘  
游畋侈宮室池沼以畜珍奇玩物喪志田於狗原



或旬或月卒死行宮惜哉阿莘窮兵黷武殆無虛  
歲民困兵革多奔敵國輕質國本於島夷幾不得  
嗣腆支久質於外王薨國有內亂返而得國何其  
幸也久爾辛傳之毗有毗有傳之蓋鹵蓋鹵驕奢  
昏暗請上國欲伐強隣信敵間親昵戲玩大興功  
役惟宮室臺榭是崇是飾至於烝土築城緣河樹  
堰伐石作槨人力盡悴倉廩告匱尚不知墮於敵  
國之術國勢魚爛而敵兵奄至噬臍無及身死人  
手尚誰咎哉傳曰國必自伐而後人伐之蓋鹵之  
謂矣文周嗣緒正臥新嘗膽之秋而優游不斷受



制強臣身且不保三斤以董稚之年能命將討賊  
復君父之讎悛神人之憤是可稱也而享年不長  
惜哉東城當國凶歛民飢不救起臨流閣極其壯  
麗遊宴自恣閉宮門拒諫臣荒于遊畋久而不返  
爲賊臣所害武寧誅焉加得討賊之義然失子民  
之道不能勞來安集爲敵國歎民前史稱仁慈寬  
厚何耶聖王初立能斷大事國人稱聖逮至末年  
與新羅謀伐高句麗不得其志背舊好發忿兵遂  
死鋒鏑道所謂一朝之忿以其身者也威德雖無  
德政享國悠久惠王卽位二年而薨法王繼緒崇



信佛教禁屠殺放鷹鷂焚漁獵之具創寺度僧蓋  
欲延祚也而踰年乃薨多見其惑也武王恃強驕  
鷙侵掠新羅殆無寧歲干戈迭侵流屍蔽野唐皇  
詔諭戰兵外雖陳謝而內實不然晚年穿宮南池  
起望海樓遊泗泚河盤樂怠傲惟日不足國之不  
亾幸矣義慈之爲太子也事親以孝與兄弟以友  
及其卽位慮囚原罪其爲政粗足可觀但其闇於  
大體無遠謀遠略不知新羅唇齒之勢安與干戈  
謀欲吞噬今年奪一城明年奪一城席累勝之威  
驕氣遽溢視新羅爲囊中之物欲取之心焉然未



已違帝詔無釋紛之心結高麗絕朝貢之路猶且  
淫酗耽樂杜絕忠諫天怒於上屢出災異丁寧譴  
告而猶不省悟晏然自肆不能保炭峴白江之險  
唐兵一至而社稷丘墟扶餘氏不祀忽諸悲夫

高句麗遣將與靺鞨合軍攻新羅述川城不克移攻  
北漢山城列拋車飛石所當墜屋輒壞城主冬陀川  
多設兵機率城內男女二千八百人激勵死守凡二  
十餘日糧盡力疲至誠告天忽大星落於麗營又有  
震雷之變麗將疑懼解圍而去新羅王擢冬陀川爲  
大奈麻○夏六月新羅太宗王薨在位五十八年太子法



敏立唐龍朔元年辛酉太宗統一三韓時和歲豐布一匹直

租三十石或五十石民謂聖代如文明王后金氏庾

信之妹也初妃姊寶姬夢登西兄山頂坐旋流徧國

鳥直後春秋與庾信躡庾信故踐春秋衣紐落之

曰吾家幸近請往綴之因偕往置酒喚寶姬來綴寶

姬辭曰豈可以細事輕近貴公子乎妃乃進綴寶

美而艷春秋悅之仍請婚遂生男曰法敏仁問文汪

老且智鏡墮元

東史纂要卷之二



紅傘代黃傘除舞蹈警蹕之禮○慶尚道按察使朱  
印遠貢二十升黃麻布王令左右爭取爲戲宰相言  
於王曰印遠斂於民諂事左右又惡聞烏鵲聲常令  
人斡以弓矢一聞其聲卽徵銀瓶民甚苦請罷之王  
欲以金貂代之宰相曰是以暴易暴也王不聽以貂  
爲按廉使印遠仍舊時有一內僚白王曰聞諸道路  
宰相朱悅無子天道無知王曰不有印遠乎對曰悅  
清直絕倫印遠貪邪無比故因無子王笑○僉議致  
仕薛公儉卒公儉性廉謹好禮朝官有喪不論知否  
必往吊有造謁者無貴賤倒從出迎嘗卧疾蔡洪哲



東史綱目卷之六

一

廿八